



類函十二



卷二四地二  
二五地三

4加3  
427  
12



明  
1  
3  
卷



新金圖書

此係明治八年八月  
卅日諸田一人  
月山田一人  
卅日諸田一人  
所購以贈

早稻田圖書

淵鑑類函卷二十四

地部二山

山一

**原**春秋說題辭曰山之為言宣也含澤布氣調五神也  
 禮記曰夫山一拳石之多及其廣大草木生之禽獸  
 居之寶藏興焉 論語曰仁者樂山 春秋元命苞曰  
 山者氣之包含所以含精藏雲故觸石而出 韓詩外  
 傳曰仁者何以樂山山者萬人之所瞻仰草木生焉萬  
 物殖焉飛鳥集焉走獸伏焉生萬物而不私育羣物而  
 不倦出雲導風天地以成國家以寧有似夫仁人志士

此仁者所以樂山也。按敘爾雅云土高有石曰山釋名云山產也言產生萬物說文云山宣也宣氣散生萬物有名而高象形也釋名云山頂曰冢亦曰巔亦曰椒山脊曰岡山大而高曰嵩嵩高稱也今中嶽嵩山蓋依此亦作崧小而高曰岑銳而高曰嶠卑而大曰扈小而眾曰巋上大下小曰巘山有草木曰岵音戶無草木曰垓古零反石載土曰岨土載石曰崔嵬此因形而名之山東曰朝陽山西曰夕陽隨日照而名山足曰麓山穴曰岫山邊曰崖崖之高曰巖上秀者曰峰陬隅高者曰岳山坡曰坂山三襲曰陟山再成曰坏山中絕曰陁未及上曰翠微一說山氣青縹色曰翠微山屬曰嶧

言絡繹相連今魯國有嶧山純山狹而高曰巒巒山曰石相積構連屬成山蓋謂此也山精曰夔亦曰歧亦曰隋他果反謂山形長狹者荆州又謂之巒詩云隨山喬岳山精曰夔亦曰歧亦曰雲陽祭山曰廋懸廋角毀反自山頂曰冢已下並出說文釋名爾雅三書名山頂曰冢冢腫也言腫起也山旁曰陂言陂陀也山旁隴澗曰涌涌猶桶桶狹而長也山大而高曰嵩嵩竦也亦高稱也山小而高曰岑岑嶮也嶮同嶮然也上銳而長曰嶠形似橋也小山別大山曰巘巘音彥巘甌一孔者巘形孤出處似之也山多小石曰礧礧音教礧堯也小石堯堯獨處而出見也山多大石曰礧音首礧學也大石之形學學然也山有草木曰岵岵怙也人所怙取以為事用也

地部

嶧山屬曰嶧

山

山無草木曰岷岷也無所出生也山上有水曰埒  
 埒脫也脫而下流也石載土曰岨岨臚然也土載石曰  
 崔嵬因形名之也山下根之受雷同溜處曰剛同剛吮也  
 吮得山之肥潤也山中叢木曰林林森也森森然也山  
 足曰麓麓陸也言水流順陸燥也原國語曰禹封九  
 山者土之聚也管管子曰天下名山五千三百七  
 十出鐵之山三千六百有九上有丹砂者下有黃金上  
 有磁石者下有銅金上有綠石者下有鉛錫上有赭下  
 有鐵原晏子春秋曰齊景公召羣臣問曰天不雨久  
 矣民有飢色吾卜崇在高山廣澤寡人欲祠靈山可乎

晏子曰夫靈山固以石為身以草木為毛髮天久不雨  
 髮將焦身將熱獨不欲雨祠之何益 呂氏春秋曰何  
 謂九山會稽太山王屋首陽山太華岐山太行羊腸孟  
 門 淮南子曰牛蹄之涔無尺之鯉頹府之山無丈之  
 材所以然者何也皆其營守狹小而不能容巨大管  
 又曰八紘之外乃有八極東北方曰方土之山曰蒼門  
 東方曰東極之山曰開明門東南方曰波母之山曰陽  
 門南方曰南極之山曰暑門西南方曰編駒之山曰白  
 門西方曰西極之山曰閭闔之門西北方曰不周之山  
 曰幽都門北方曰北極之山曰寒門 晉書曰杜預好  
 地部

地部

山

山

為後世名常言高岸為谷深谷為陵刻石為二碑紀其  
勳績一沉萬山之下一立峴山之上曰焉知此後不為  
陵谷乎 **原**河圖曰武關山為地門上為天高星主圖  
固岐山在崑崙東南為地乳上為天糜星汶山之地為  
井絡帝以會昌神以建福上為天井 地鏡曰入名山  
必先齋五十日牽白犬抱白雞以鹽一勝山神大喜芝  
草異藥寶玉為出未到山百步呼曰林林央央此山王  
名知之却百邪 相豕書曰青烏子稱山望之如却月  
形或如覆舟葬之出富貴山望之如雞栖葬之滅門山  
有重疊望之如鼓吹樓葬之連州二千石 **增**酉陽雜

俎曰山上有葱下有銀山上有薤下有金山上有薑下  
有銅錫山有寶玉木旁枝皆下垂 古今合璧曰太行  
五嶽匡廬皆崇高渾厚雖諸峰魁然其奇秀莫如蜀之  
岷峨巫峽楚之太岳池之九華歛之黃山休之齊雲括  
之僊都溫之鴈宕桂之靈山滇之點蒼非東西南北之  
人而走萬里窮荒陬者不可與言也

山二

**原**史記曰黃帝東至于海登丸山西至於崆峒登笄頭  
南至熊湘北逐獯鬻合符釜山 **增**又曰齊威宣燕昭  
王使人入海求蓬萊方丈瀛洲此三神山者其傳在渤

海中蓋嘗有至者諸仙人及不死之藥皆在焉未至望之如雲及到三神山反居水下臨之風輒引去終莫能至云 唐書曰秦系字公緒天寶末客泉州南安有九日山大松百餘章俗傳東晉時所植系結廬其上姜公輔之謫別駕見系輒窮日不能去築室與相近忘流落之苦及卒南安人思之為立小亭號其山為高士峰 舊唐志曰則天時新豐縣東南露臺鄉因大風雨雹震有山踊出高二百尺有池周三頃池中有龍鳳之形禾麥之異則天以為休徵名為慶山荊州人俞文俊詣闕上書曰臣聞天氣不和而寒暑隔人氣不和而疣贅生

地氣不和而堆阜出今陛下以女主居陽位反易剛柔故地氣隔塞山變為災陛下以為慶山臣以為非慶也則天怒流於嶺南 秦紀曰齊人徐市等上書言海中有三神山名曰蓬萊方丈瀛洲仙人居之請得齋戒與童男女求之於是遣徐市發童男女數千人入海求僊人 漢地理志曰雍州鎮山曰吳嶽古文以為汧山秦都咸陽以為西岳 **原**漢名臣奏曰漢得陰山匈奴長老過之未嘗不哭 **增**三秦記曰太白山不知高幾許俗云武功太白去天三百山下軍行不得鳴鼓角鳴鼓角則疾風暴雨兼至也 **原**蜀王本紀曰天為蜀王生

五丁力士能移山秦王獻美女與蜀王蜀王遣五丁迎  
女見一大蛇入山穴中五丁并引蛇山崩秦五女皆上  
山化為石 張璠漢記曰梁冀聚土築山十里九坂以  
象二嶠窮極工巧積金玉明珠充物其中 袁山松宜  
都記曰郡西北陸行四十里有丹山山間時有赤氣籠  
蓋林嶺如丹色因以名山 又曰自西陵東北陸行百  
二十里有方山其嶺四方素崖如鉞天清朗時有黃影  
似人像山上有神祠場特生一竹茂好其標垂場中場  
中有塵埃則風起動此竹拂去如灑掃者 盛弘之荆  
州記曰桂陽郡西南五十里有萬歲山有石室鍾乳山

上悉生靈壽木 又曰武陵舞陽縣有淳于白雉二山  
在寧州武陵二界畔絕壑之半有一石雉遠望首尾可  
長二丈伸足翔翼若虛中翻飛頭綴著石 又曰宜都  
夷道縣西南九十里有望州山四面壁立登此見一州  
內東有涌泉欲雨輒有赤氣故名丹水 荆南圖副曰  
宜都夷陵縣東六十里南岸有荆門山北有虎牙二山  
相對虎牙有石壁其文黃赤又似虎牙形荆門山上合  
下空有若門像 又曰鄧城西七里有作樂山諸葛亮  
常登此山為梁甫吟 又曰襄陽郡中廬縣西百三十  
里有馬穴山傍有一地道云漢時有馬出其中 又曰



宜都夷陵縣西八十里有高筐山古老相傳堯時大水  
 此山不沒如筐篚因以為名 又曰巴東昆陽縣東南  
 十里有柏枝山有石泉口方數丈中有魚 又曰宜都  
 夷道縣北有女觀山昔有思婦登山絕望懷思而死葬  
 之山頂山遂枯悴因以名山 庾仲雍湘中記曰桂陽  
 郴縣東北五里有馬嶺山高六百餘丈蘇耽所栖遊處  
 因而得僊後有見耽乘白馬還此山中世因名為馬嶺  
 王韶之始興記曰郡東有玉山草木滋茂泉石澄潤  
 鄧德明南康記曰平固縣覆笥山上有笥貯玉牒記  
 故山以笥為名焉 遊名山志曰玉溜山一名地肺山

一名浮山

**釋**

記曰渤海之東有大壑中有五山岱輿

員嶠方壺瀛洲蓬萊臺觀皆金玉所居之人皆僊聖之  
 種五山之根無所連著常隨波上下往來不得暫峙仙  
 聖訴于帝帝怒流于西極命禹彊使巨鼈十五舉首而  
 戴之五山始峙 拾遺記曰東方朔寶瓊銘曰寶雲生  
 於露壇祥風起於月館望三壺如盈尺視八鴻如縈帶  
 三壺海中三山也一曰方壺則方丈也二曰蓬壺則蓬  
 萊也三曰瀛壺則瀛洲也此三山形如壺器八鴻者八  
 方之名鴻大也登月館以望四海三山則如聚米縈帶  
 者矣 山海經曰洞庭之山帝之二女居之 水經注

法苑珠林卷之二十四  
曰燕王仙臺東有三峰甚崇峻騰雲冠峰高霞翼嶺岫  
壑沖深含煙罩霧者舊言燕昭王求僊處 又曰居庸  
縣有大翻小翻山高巒絕雲層陵斷霧雙阜共秀競舉  
羣峰之上郡人王次仲少有異志年及弱冠變蒼頡舊  
文爲今隸書秦始皇時官務煩多以次仲所易文簡便  
于事要奇而召之王徵而輒不至次仲履貞懷道窮數  
術之美始皇怒其不恭令檻車送之次仲行次化爲大  
鳥出車外翻飛而去落二翻於斯山故其峰巒有大翻  
小翻之名矣 又曰壽春八公山山無樹木惟童阜耳  
山上有淮南王劉安廟安折節下士篤好儒學養方術

之徒數十人皆爲俊異多神仙秘法鴻寶之道忽有八  
公皆鬚眉皓素詣門求見門者曰吾王好長生今先生  
無住衰之術未敢相聞八公咸變成童子王甚敬之八  
士並能鍊金化丹出入無間乃與安登山埋金于地白  
日昇天餘藥在器雞犬舐之者俱得上昇其所昇之處  
踐石皆陷人馬跡存焉故山即以八公爲目晉世謝元  
北禦苻堅祈八公山及置陣於淝水之濱堅望山上草  
木咸爲人狀非八公之靈有助蓋苻氏將亡之感也  
又曰吳山三峰霞舉秀出雲霄崩巒傾返山頂相捍望  
之恒有落勢 又曰漢水北連山秀舉羅峰競峙祁山

在蟠冢之西山上有城極為嚴固昔諸葛亮攻祈山即此城也開山圖曰漢陽西南有祈山溪徑逶迤山高巖險九州之名岨天下之奇峻又曰武陵郡嵩梁山高峰孤聳素壁千尋望之茗亭有似香爐永安六年其山洞開明朗如門高三百丈廣二百丈門角上各生一竹倒垂下拂謂之天帚孫休以為嘉祥分武陵置天門郡隋文帝改曰石門山又曰鵝鵝山有二峰峻極于天高崖雲峰亢石無階援徒喪其捷巧鼉族窮其輕工故有大小鵝鵝之名矣又曰河東涑水南鹽道山其西則石壁千尋東則蟠溪萬仞方嶺雲迴奇峰霞舉孤標秀出罩絡

羣山之表翠柏蔭峰清泉匯頂郭景純云世所謂鴛鴦也發于上而潛于下矣厥頂方平有良藥是以緇服脩真之士鹿裘念一之夫代往遊焉路出北巘勢多懸絕來去者咸援蘿騰崖尋葛降深於東則連木乃陟百梯方降巖側縻鎖之跡仍今存焉故亦曰百梯山也又曰積石河北有層山山甚靈秀山峰之上立石數百丈亭亭傑豎競勢爭高其下層巖峭舉壁岸無階懸巖之中多石室焉室中若有積卷矣而世士罕有津逮者因謂之積書巖巖堂之內每時見神人往還矣蓋鴻衣羽裳之士鍊精餌食之夫耳俗人不悟其僊者乃謂之神

鬼彼羌目鬼曰唐述復因名之爲唐述山指其堂密之  
居謂之唐述窟 又曰北徐州東南有石門世俗謂之  
龍門也其山上合下開闊處高六丈飛冰歷其間南出  
乘崖傾瀾泄注七丈有餘湓盪之音極爲壯猛觸石成  
井水深不測素波白激濤襄四陸闕之者驚神臨之者  
駭魄矣 又曰始興曲江縣有浮岳山山躡一處則百  
餘步動若在水也因名浮岳山 博物志曰君山洞庭  
之山也帝之二女居之曰湘夫人帝女遣精衛至王母  
取西山之玉印印東海北山 湘洲記曰始皇欲入湘  
觀衡山而遇風浪溺敗至此山而免因號曰君山 荆

州圖記曰湘君所遊故曰君山有神祈之則利涉 荆  
州記曰小酉山石穴中有書千卷相傳秦人於此學因  
留焉故梁湘東王云訪酉陽之逸典也 寰宇記曰南  
康都昌縣有石鐘山西枕彭蠡連峰疊嶂壁立削峻南  
西北面皆水四時如一白波撼山其聲若鐘因名之李  
白鐘山記云水經云彭蠡之口有石鐘山酈道元謂下  
臨深潭微風鼓浪水石相搏響若洪鐘因受其稱予尋  
繹東湖躋崖穿洞次于南隅忽遭雙石欹枕潭際影淪  
波中詢諸水濱乃曰石鐘也有銅鐵之異焉扣而聆之  
南音函和北音清越扣之響騰餘韻徐歇若非澤滋其

山山含其英，聯氣凝質，發為至靈。不然則安能產茲奇石乎？乃知山仍石名舊矣。建安記曰：將樂縣天階山下有寶華洞，即赤松子採藥之所。洞中有石燕、石蝙蝠、石室、石柱，并石曰石井。俗云其井南通沙縣溪，復有乳泉自上而滴，人以服之。登山頂者若昇碧霄，故有天階之號。湘中記曰：屈潭在玉笥山，屈平之放，栖于此山，而作九歌焉。華陽國志曰：武擔山，武都丈夫化為女子，顏色美絕，蓋山精也。蜀王納以為妃，無幾物故，王哀念之，遣武丁武都擔土為妃作冢，蓋地數畝，高七丈，號曰武擔。以石作鏡一枚，表其墓。其石俗名為石笋。玉

笥山錄曰：漢武好僊，於玉笥山頂上置降真壇，大還丹竈。道士晝夜祈禱，天感其誠，乃降白玉笥，置壇上。武帝遣使取之，至壇側，飄風大震，卷玉笥而去，因以為名。吳興記曰：印渚山上承浮溪水，渚以上至縣，悉石瀨，惡道不可行船。以下水道無險，故行旅集焉。晉王胡之為吳興太守，至渚中，歎曰：非唯使人心情開滌，亦覺日月清明。傳云：渚次石文似印，因以為名。江源記曰：南浦郡高梁山，尾東跨江西，首劔閣，東西數千里，嶺長峻，其峰崔嵬，於蜀市望之，若長雲垂天。一日行之，乃極其頂，俯視衆山，泯若平原。劔閣銘所謂巖巖梁山，積石叢叢。

即述此也 九江記曰馬當山高八丈週迴四里在古彭澤縣北其山橫枕大江山象馬形迴風急擊波浪湧沸舟船上下多懷憂恐山際立馬當山廟以祠之唐王勃阻風泊舟其下遇老叟助以順風一夕至洪都作滕王閣序陸魯望銘云天下之險者在山曰太行在水曰呂梁合二險而為一吾又聞乎馬當 酉陽雜俎曰齊郡函山有鳥足青觜赤黃素翼絳額名王母使者昔漢武登此山得玉函長五寸帝下山玉函忽化為白鳥飛去世傳山上有王母藥函常令鳥守之 襄陽耆舊傳曰羊祜嘗與從事鄒湛共登峴山垂泣曰自有宇宙

便有此山由來賢達勝士登此遠望如我與卿者多矣皆湮滅無聞念此使人悲傷我百年後魂魄猶當登此山也湛對曰公德冠四海道符前哲令聞令望當與此山俱傳若湛輩乃當如公語耳 江乘地記曰石頭城山嶺嶂千里相重若一游歷者以為吳之石城猶楚之九疑也山上有城因以為名漢建安十六年吳孫權脩理改名石頭城今清涼寺西是也諸葛亮謂吳大帝曰秣陵地形鍾山龍蟠石城虎踞真帝王所都也 紀聞曰太和先生王旻得道者也常遊名山五岳明皇雅敬信之南岳道者李遐周恐其戀世樂勸旻令出旻乃請

于高密牢山合煉許之因改牢山爲輔唐山許旻居之  
玉堂閒話曰興元南有路通巴州深谿峭巖捫蘿摸  
石三日始達于山頂復登措大嶺蓋稍平處也其絕頂  
謂之孤雲兩角彼中諺云孤雲兩角去天一握淮陰侯  
廟在焉昔韓信亡去蕭何追及於茲山王仁裕題詩云  
孤雲不掩興亡策兩角曾懸去住心 又曰麥積山北  
跨清渭南漸兩當其半崛起一石塊高百萬尋望之團  
團如民間積麥之狀故有此名其青雲之半峭壁之間  
鐫石成佛萬龕千室雖自人力疑其鬼工隋文分葬神  
尼舍利函於東閣下傍室之中有庾信記刊於巖中古

記云六國共脩自平地積薪至於巖巔從上鐫鑿其龕  
室佛像功畢旋旋拆薪而下然後梯空架險而上其上  
千房萬屋緣空躡虛登之者不可回顧將及絕頂有萬  
菩薩堂鑿石而成自此室上更有一龕謂之天堂空中  
倚一獨梯攀緣而上至此則萬人無一人敢登者於此  
下顧其羣山皆如培塿王仁裕于唐末年辛未獨能登  
之題詩於天營西壁上曰躡盡懸空萬仞梯等閒身共  
白雲齊簷前下視羣山小堂上平分日月低 郡國志  
曰天姥山與括蒼山相連石壁上有刊字蝌蚪形高不  
可識春月樵者聞簫鼓笳吹之聲括耳元嘉中遣名畫

寫狀於圖扇即此山也

山三

原蒙險

含澤

楊文易卦序論云險而止山下也險而動

銀溢

金涌

漢書曰殷得金德銀自山溢蘇林注曰

下名山之精湧出

石鏡

安山謙之吳興記曰臨

東有石鏡一所徑二尺四寸甚清亮張僧監陽記曰

玉臺

縣東五里石鏡山

康記曰雲都君山有

崖館

雲府名山松喬共相追

層崖成崇館巖阿結重閣

雲府

名山松喬共相追

懸崇香巖神明攸居宮府風雲懷吐川渠

石閣

石閣

金關

霞壁

雲峰

文瀛

雲峰

雲峰

水赤臂如霞孔道會稽記曰五臺九室九坂千

四明山高峰軒雲連岫蔽日五臺九室九坂千

號五臺玉賈曰青城山北其五巒巍然故九坂千

巖上詳川之美顧云千巖競秀萬壑爭流五女

兩童何萬望一魏文帝登山望遠詩曰西山一

宮神闕絃管聲其南康記曰雲霧有君山大夫康

歸美山高數百丈遠望嵯峨出日落星山海經曰

臨沂縣前有落星山大谷日月所出山謙之南徐州記曰

員嶠方壺列子曰渤海之東有壑其中山曰員嶠

其形如壺蓬萊三曰瀛洲車蓋香爐山謙之吳興

縣中蓋山東舊有康所方亭瞻望極佳香爐峰

彥雍州記曰望楚山有三磴道上磴道名香爐峰

地部

員嶠

方壺

車蓋

香爐



鑿室 臨榭 楚辭曰鑿室以爲室下披衣于天台

地首 劉敬叔異苑曰會稽天台崑崙之山爲地首

天目 謝靈運遊名山志曰地肺山者王演山記謂之木樛

去岸百 青丘 丹穴 其陰多青腹有獸如狐九尾有

鳥如鳩佩之不惑 又曰丹穴自歌自舞見則天下安

寧 天作 地鎮 詩爲地鎮高子鎮安安地德也

險 積卑 易坎卦彖辭而爲高 國寶 器車 左傳山

愛其寶人 禮云天不愛其道地不 獸離 畜負 莊子

患之獸分而離山不免網罟之 鼃負 蛇繞 蓬萊 鼃負

蛇繞 崑崙 維高 不測 今詩漸之石維其高矣 漢書

有夔 無獸 莊子云夔鬼也如鼓一足 秀出 小隱

白帖我峩崇崇秀出削成 載陟 久留 家語萬仞之

不可以久留 拳石 織塵 不讓織塵故能成其大

峻極 不崩 詩如嵩高維岳峻極于天 視三公

植萬物 鄭元注曰天子祭名山大川五岳視三公 狐豹

棲 金銀溢 莊子云豐狐文豹之數 始萬物 見列

星 周易終萬物始萬物莫盛乎艮 共工觸 愚公

移 列女觸不周山 足以太行王屋二山方七千里高萬

切愚公怒觸不周山 帝憇其誠命夸娥氏二子負山

地神懼其不已也 帝憇其誠命夸娥氏二子負山

地神懼其不已也 帝憇其誠命夸娥氏二子負山

地神懼其不已也 帝憇其誠命夸娥氏二子負山

地神懼其不已也 帝憇其誠命夸娥氏二子負山

地神懼其不已也 帝憇其誠命夸娥氏二子負山

一措朝東一措雍南聚土築著履登前一梁冀事詳

宋謝靈運好登山陟嶺必造幽峻巖嶂數十重莫不

盡登臨常著木屐上山則去前齒下山則去後齒

刺而出泉鑿以為室拔白刺漢貳師李廣利軍行無水

結為山岳蒸為雲雨為白帖結為山岳流節彼南

山鎮茲下土巖巖節彼南山維石桐生朝陽米聚

形勢後帖桐生朝陽不宜生高岡太平生而為瑞也

開示衆軍帝曰結成元氣之始秀出太虛之中帖

增丹梯青壁謝元暉敬亭山詩要欲追奇趣即此

吹登山曲曰暮春春服美遊駕丹梯謂山也又謝朓鼓

東雪山白閣州城西下臺碧中原南閣山歌曰閩州城

格調且未歸應結茅齋傍青壁綠鬟青螺劉禹

庭山正翠白銀盤裏一青螺元稹詩曰芙蓉脂肉綠

雲髮畫樓臺青黛山千樹桃

花萬年藥不知何事憶人間

嶼海中極目滄嶼靈嶽崇丘其藹

枕靈嶽補亡詩曰滄嶼靈嶽崇丘其藹

揚雄蜀都賦曰蒼山隱天吟

山陽關右連山鳥鼠龍虎

源縣西爾雅鳥鼠同穴其鳥為餘其鼠為

人家鼠而短尾餘似鷄而小黃黑鼠穴入地三四尺鼠

肆乃龍虎山在廣信府貴溪縣兩石對峙如龍昂虎

張道三十一福地漢牛渚馬陵又曰牛渚在當塗

浦世傳下多怪物即晉溫嶠燃犀處

又曰馬陵在兗州鄒城即古瑯琊山也

鷺湖鴈蕩

又曰鷺湖在鉛山縣北山上名鷺湖唐王駕詩鷺湖山下後  
 有龔氏嘗畜鷺於此故又名鷺湖唐王駕詩鷺湖山下後  
 稻梁肥又曰鴈蕩山在樂清縣東九十里此山天下  
 奇秀谷邃峰疊行者不能徧分東西谷列十八寺始有  
 駐足之地山中景致非一峰相對高雞籠鳥帶曰  
 鴈山門戶從此入南北兩峰相對高雞籠鳥帶曰  
 雞籠山在金陵覆舟山之西後臨元武湖元嘉中立儒  
 館於北郊命雷次宗居之次宗因開館於山齊高帝嘗  
 就次宗受禮及左氏春秋又曰諸山功費千計生業將盡後  
 上多紫石謝敷少時經始諸山功費千計生業將盡後  
 遊此境夢謝敷少時經始諸山功費千計生業將盡後  
 異色石試取磨拭之乃紫石也因問所從來云出此山  
 遂往掘之鹿門燕巖又曰鹿門山在襄陽府東南  
 日休俱隱于此又曰太原府壽公唐龐孟浩然皮  
 陽西山多蟄燕因以名山曰燕巖牛頭熊耳又曰  
 山在江寧縣南狀如牛頭晉元帝渡江草創欲立石闕  
 于宮門未定王導隨駕出宣陽門乃遙指山南峰為天  
 關中宗從之梁武帝建寺於石窟下名仙窟上有佛宮  
 曰弘覺寺有浮圖二殿闕廊宇依山結構望之如畫

屏北與獻花巖相連佛經所謂江表牛頭是也  
 宋大明中立郊壇于山之南峰岳飛設伏于牛頭以邀  
 元術即此是禹貢所謂導洛自熊耳即此又宜陽亦有  
 相並如熊耳漢先武破赤眉積虎牙羊腸州府城  
 熊耳山史記漢先武破赤眉積虎牙羊腸州府城  
 甲宜陽城與熊耳山齊是也  
 南大江北岸與荆門山相對有虎牙山昔公孫述遣將  
 依二山作浮橋拒漢師又曰羊腸山在山西太原府  
 交城縣東北郡國志萬根委羽落翮在黃巖縣昔  
 谷石磴紫委若羊腸然委羽落翮在黃巖縣昔  
 劉奉控鶴墜翮因名山為委羽落翮在黃巖縣昔  
 羽合州之東山南大石砥平有巨人跡相傳異人坐其  
 府投釣于江因名宋理宗時余玠用播州人冉驥之謀  
 上釣魚則蜀始守此攬草繫馬至今草生若繫馬  
 海州東世傳秦皇遊此攬草繫馬至今草生若繫馬  
 之關雞發鳩相向在江左如關雞然詩曰巧石  
 狀雞鬪雞發鳩相向在江左如關雞然詩曰巧石  
 如雞鬪雞發鳩相向在江左如關雞然詩曰巧石  
 殺青山不敢啼冠山海經曰發鳩之山有鳥名精衛  
 地部

黃鶴

碧雞

山堂肆考曰黃鶴山在湖廣武昌府西南

樓唐崔顥題詩其上又岳州府城南有白鶴山昔有黃鶴

叟嘗遇樵夫遺以鐵笛吹之無聲一日登此山吹于紫

荆臺響振林木忽有兩女出授神藥云服此當為水仙

女子蓋龍女也又曰碧雞山在雲南府西當為水

澤蒼崖萬丈綠水千尋漢宣帝時方士言益州有金

碧雞可祭而致遣王褒往祀至蜀而卒願師古曰金

如馬碧形如雞集覽其神祠在益州金馬坊金馬

府城東西對碧雞山中隔滇池山不甚高而綿亘

數十里有金馬關黃牛白馬又曰黃牛山在荊州府

亭下有金馬關黃牛白馬又曰黃牛山在荊州府

僻若有人負刀牽牛狀人黑牛黃又曰黃牛山在

州宣平縣西山有瀑布泉石室中有巨石立擊之鏗

然相傳葉法黃陵絳巖如廟在焉又曰絳巖在

喜當栖於此黃陵絳巖如廟在焉又曰絳巖在

向容縣西南一名絳巖上有龍穴祠壇寰宇記本名赤

山唐天寶中改為絳巖一名丹山丹陽之義起于此

藍田赤壁地志曰藍田山在西安府藍田縣東

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山堂肆考曰赤壁在武昌府東南

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

青城白亭又

山

山

山

山

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

山唐天寶中改為絳巖一名丹山丹陽之義起于此

十八川元萬頃開天鏡山水繞青山山繞城由來入傑地應  
 靈水光萬頃開天鏡山水繞青山山繞城由來入傑地應  
 南府長山縣西南有長白山孤秀盤鬱獨壓眾山乃太  
 雲雨長白故名上有醴泉寺即范仲淹讀書處遼東三  
 萬里流為混同江又金國志亦有長白山為白  
 衣觀音所居其山禽獸皆白黑水發源于此為白  
 黎母兄弟三人化于晉永嘉之亂有湛滿者亦居  
 山側有一子任宦不得歸禱于三石旬中湛子出洛水  
 見三少年使閉目入車中恍然不知所之良久乃至家  
 黎母山在衢州府江山縣南頂有池產碧蓮金鯉又曰  
 人供賦役者號生黎耕省地者號熟黎宋徽宗建鎮州  
 於黎母即此山有五峰屹立瓊崖儋萬之間為四州之  
 望每畫雲霧收斂則五峰聳壺公 冶父 興化 福建  
 秀挿天至黃昏復蔽不見 壺公 冶父 興化 福建  
 有壺公山有五奇昔人有遇老翁於此忽見宮闕似  
 非人間翁云此壺中日月也後人因名壺公

父在廬州府廬江縣東北需須志舊有人冶鑄于此故  
 名自麓至巔幾五百里有三百六十四子山羅列在下  
 山比眾山獨 天姥 佛日 仙堂 鬼谷 雙牙  
 尊故曰父山 佛日 仙堂 鬼谷 雙牙  
 脩道處 佛日 仙堂 鬼谷 雙牙  
 府城東北中曰佛日淨慧寺 仙堂 鬼谷 雙牙  
 州襄垣縣南山勢崑峩上有龍洞及仙堂寺 雙牙  
 府之狀道書為第十五洞天上有蘇 九室 雙牙  
 秦臺張儀井世傳鬼谷子居此故名 九室 雙牙  
 又曰九室在襄陽府房縣西相傳五代時陳搏脩煉之  
 所又九室在襄陽府房縣西相傳五代時陳搏脩煉之  
 石箱昔有兩金鷲浴於井夜棲於箱人欲捕之 七盤  
 遂飛上南山化為雙石對峙若牙齒然故名 七盤  
 九峻 二曰藍田之險路也唐貞元初刺史李西華自  
 藍田至內鄉開新道七百里 迴山 取塗行旅便之  
 又曰九峻在湖廣德安府孝感縣一在西安府乾州醴  
 泉縣唐昭 千佛 五祖 江總 碑臨沂令與法度禪師  
 陵在焉

鑄造石佛名千佛嶺其文惠太子像章竟陵諸王增飾  
 之嶺之上下巖數百隨其淺深廣狹為佛之大小惟正  
 一峰高可五丈內坐釋迦佛傍立菩薩二皆四丈八尺  
 下為天開巖白乳泉唐劉長卿有登東峰尋明徵君故  
 居詩又曰五祖在黃州府黃梅縣一名茂山即五祖  
 大滿禪師道場山頂有池生白蓮花唐裴度詩徧尋真  
 跡躡莓苔世事全拋不忍回上界穀城黍谷穀城曰  
 不知何處去西天移向此間來遊下邳圯上遇一老人  
 授一編書曰後十三年孺子見我濟北穀城山下黃石  
 即我矣孔文祥曰黃石公鬚眉皆白杖丹藜履赤馬葛  
 稚川云即老子也老子無世不出于黃帝時號廣成子  
 文王時號支公先生武王時號郭叔漢初號黃石公  
 漢文時號河上公又曰黍谷在順天府懷柔縣東跨  
 密雲界劉向云燕有谷地寒不生黍稷府懷柔縣東跨  
 鄒衍吹律以溫其氣故名山曰黍谷梅嶺花巖  
 又曰梅嶺即大庾嶺在南安府大庾縣城西南磅高  
 聳南接南雄初嶺峻阻唐宰相張九齡開鑿新路兩  
 巖峭立中塗坦平上多紅梅故名嶺表有關曰梅嶺  
 關宋橫浦居士張九成所築按大庾縣本漢南野縣地

漢初南粵不貢武帝遣將軍庾勝討之築城于此因名  
 大庾嶺亦以縣名之又曰花巖在江寧縣去牛頭  
 山五里唐貞觀中僧法融棲巖下遇大雪忽有峴首  
 奇花二莖生巖側又有白鳥獻花於此故名峴首  
 陪尾德安府峴山事詳前鳥獻花於此故名峴首  
 耳折腰大史記齊桓公曰寡人北伐耳之山半耳在  
 河東大陽垣山堂流沙東馬懸車上耳之山半耳在  
 西平陽府垣山堂流沙東馬懸車上耳之山半耳在  
 天柱在杭州餘杭縣西北有銅冶山天柱雲門曰  
 五十七福地又曰紹興府城有絕巖翠天柱雲門曰  
 居之梁天監中選學生往天中雲際又曰汝寧府  
 雲門山從何處受業即此天中雲際又曰汝寧府  
 城北以其在天之中故曰天中雲際又曰汝寧府  
 莫正于此又曰雲際在柳州府融縣北景定分數者  
 雷首月牙又曰雷首在柳州府融縣北景定分數者  
 林府龍隱巖北形如初月故名春秋子午春秋曰  
 十級半山之中形如初月故名春秋子午春秋曰  
 地部

在廬州舒城縣南相傳唐貞元中有一禪師解脫于此  
 遺骨尚存其來實春秋時也遂以名山  
 陝西慶陽府合水縣東綿亘八百里  
 里相傳此處是黃帝葬衣冠之所  
 富春在嚴州府桐廬縣西一名嚴陵  
 乃漢嚴子陵釣處前臨大江上有東山  
 長秋在嚴州府桐廬縣西一名嚴陵  
 州蒲江縣治東定玉壘銅官又曰玉壘  
 又曰思賦包玉壘以爲宇杜甫詩曰玉壘浮雲變古今  
 鐵曰銅官在銅壘以爲宇杜甫詩曰玉壘浮雲變古今  
 人秦破趙卓氏在四川邛州東南史記卓氏不竭可以浸  
 蹲乃求遠遷致之臨邛而山鑄錢即此相傳漢文帝嘗以  
 銅山通一在浙江湖州武康縣西北相傳漢文帝嘗以  
 登縣有鐵官山下有二坎號銅官治鑄于此  
 采石在太平府山漢置鐵官治鑄于此  
 白嘗乘月著宮錦袍與崔宗之泛舟即此取石因名唐李  
 時鬱林州南有唐衣錦執笏南有石鏡山縣治  
 銅鼓在焉故名

峰有圓石徑二尺七寸其光如鏡錢鏐幼時遊此巔其  
 形冠冕如王者狀後唐昭宗改鏐所居營爲衣錦營并  
 封此山爲衣錦山又曰昭宗改鏐所居營爲衣錦營并  
 縣南一峰爲衣錦山又曰昭宗改鏐所居營爲衣錦營并  
 懸甕八又曰燭柯在衢州府南道書謂此山爲青霞第  
 斧觀之曰童子與質一物如棗核食之不見童子圍碁質置  
 視之曰汝斧柯已爛矣質歸已無復時人矣又曰懸  
 甕在太原縣西晉水所出敬亭畏壘又曰敬亭在  
 因山腹有巨石如鸞所出敬亭畏壘又曰敬亭在  
 縣北李太白詩衆鳥高飛盡孤雲獨去閒相看兩不厭只  
 有敬亭山  
 道居畏壘之山居三年畏壘大穰畏壘之民相與言曰  
 庚桑子之始來吾儂然異之今吾日計之而不足月計  
 之而與尸而祝之社而稷之乎胡仙室曾城水經注  
 不相與尸而祝之社而稷之乎胡仙室曾城水經注  
 山一名太和山亦名參山形特秀又名仙室名山記  
 曰武當山區域周迴四百里中央有一峰名參嶺高  
 二十餘里望之秀絕出於雲表清朗之日然後見峰一  
 月之間四五見耳輕霄蓋於上白雲帶其前彙苑曾  
 地部

城九重王 龍眠 鹿起 壑一統志曰桐城有龍眠山林

隱訣吳錄云括蒼山 欲界仙都 仕宦捷徑 陶弘景

登之俯視雷雨也 欲界仙都 仕宦捷徑 陶弘景

入雲清流見底日夕欲流沉鱗競躍實是欲界之仙都

也 唐書曰盧藏用隱居終南山往來於少室間後登朝

道藏用指終南山曰此中甚有佳處何必天臺山羣公祖

捷徑耳藏用有慙色 固國 出雲 藏疾 數藏疾

原國主 山師 害而頒之邦國使置其珍異之物 厲

禁山虞掌山林之政令為之屬而為之守 峯崩 詩山冢

八山 史天下名山八在外五在中國 華山 首陽山

登山 古詩登山臨上 兼又曰上山採藤 有木 左傳

則度 為山 九 增 琴高 相傳為琴高 控鯉 上山 在涇縣東

華表 又曰遼東都司城東有華表 焦山 又曰焦山在

處士焦先隱此故名 揭之有臺曰煉丹 湖有焦山寺 羅漢

華陽真逸撰刻在鎮江焦山 頌石 上湖耕錄所載此銘乃

傳為晉王右軍書 弘景蓋弘景自號華陽隱居也 袁山

又曰袁山在江西袁州府東北昔高士袁京居此故名

帶 蒜山 又曰蒜山在鎮江府西大 茶山 又曰茶山在

橫 蒜山 又曰蒜山在鎮江府西大 茶山 又曰茶山在

地 蒜山 又曰蒜山在鎮江府西大 茶山 又曰茶山在

蒜山 又曰蒜山在鎮江府西大 茶山 又曰茶山在



出茶劉禹錫詩薤葉照人呈夏簞松花滿梳試新良  
 茶又廣信府北亦有此山以陸羽嘗居此故名  
 常金陵志秦始皇登句曲北垂歎曰巡狩之樂莫過於  
 矣乃改句曲此宛委詳會稽姑射彙苑詳註曰堯見  
 垂為良常山焉又貌姑射勾漏又曰洞天之一交趾  
 官然喪其天下焉又貌姑射勾漏又曰洞天之一交趾  
 之山有神人焉肌膚若冰雪就深公買印山深公答曰  
 買山高逸傳支道林因人就深公買印山深公答曰  
 溪友議于頓鎮襄陽盧山符載山與之遣書童山無草  
 于公允買山錢百萬于公遂如數與之遣書童山無草  
 赭彙苑詳註曰始皇支硯山在吳縣西晉僧支遁  
 道林隱此山樹積其山支硯山在吳縣西晉僧支遁  
 石窟溫泉放鶴亭馬路石皆支遁盤桓處桐君山曰  
 桐君山在嚴州府桐廬縣東有異人于此採藥求道結  
 廬于桐木之下人問其姓名則指桐以示之因號此山  
 為桐君山穆天子傳天子北征東還至於羣玉之  
 君山阿平無險寡草木而無禽獸天子于

是取玉三乘玉器服物載具茨山天中記曰黃帝登具  
 玉萬隻天子休羣玉之山  
 上受神芝之圖  
 于黃蘆童子  
 齊盟  
 地甘泉山寰宇記曰甘泉山在涇陽亦名石鼓原甘  
 泉水出焉漢甘泉宮在其上揚子雲作賦  
 夢吐鳳于  
 楮上者  
 郡縣志曰華不注山在府城  
 東北虎牙傑立孤峰刺天  
 城西昔虞舜封十有二山之一即幽州之鎮也其山掩  
 抱六重又名六山上有桃花洞聖水盆三水懸崖下灘  
 雖冬不冰又有  
 仙人巖飛瀑巖

山五

原詩晉庾闡登楚山詩曰拂駕升西嶺寓目臨浚波想  
 望七德耀詠此九功歌龍駟釋陽林朝服集三河迴首

地部

尚監類函卷二十四

山

盼宇宙一無濟邦家 宋孝武遊覆舟山詩曰東髮好  
怡衍弱冠頗流薄素想終勿傾聿來果丘壑層峰亘天  
維曠渚綿地絡逢臯列神苑遭壇樹仙閣松塏含青暉  
荷源煜彤爍川界泳游鱗巖庭響鳴鶴 又登作樂山  
詩曰修路軫孤轡竦石頓飛轅遂登千尋首表裏望丘  
原屯煙擾風穴積水溺雲根漢潦吐新波楚山帶舊苑  
壤草凌故國古木秀頽垣日極情無屆客思空已繁  
登魯山詩曰解帆憩通渚息徒憑椒丘粵值風景和升  
高縱遠眸紀郢窮西路湘夢極南流杳哉漢陰水浩焉  
江界脩 宋謝靈運往北山經湖中詩曰石橫水分流

林密蹊絕蹤初篁苞綠籜新蒲含紫茸海鷗戲春岸天  
雞弄和風 宋宗炳登白鳥山詩曰我徂白鳥山因名  
感昔擬仰升數百仞俯覽眇千里杲杲羣木分岌岌衆  
巒起 又登半石山詩曰清晨陟阻崖氣志洞蕭灑嶰  
谷崩地幽窮石凌天委長松列竦肅萬樹巉巖詭上施  
神農蘿下凝堯時髓 齊謝朓和王著作登八公山詩  
曰東限琅琊臺西距孟諸陸阡眠起雜樹檀欒蔭脩竹  
日隱瀾疑空雲聚岫如複出沒眺樓雉遠近送春日  
又遊敬亭山詩曰茲山亘百里合沓與雲齊上干蔽白  
日下屬帶迴谿交藤荒且蔓樛枝聳復低獨鶴方朝唳

飢颺此夜啼泄雲已漫漫多雨亦淒淒 梁沈約遊金  
華山詩曰遠策追夙心靈山協久要天倪臨紫闕地道  
通丹竅未乘琴高鯉且縱嚴陵釣若蒙羽駕迎得奉金  
書召高馳入閭闔方覩靈妃笑 又贈留真人東山還  
詩曰連峰竟無已積翠遠微微寥戾野風急芸黃秋草  
腓我來歲云暮於此悵懷歸霜雪方共下寧止露霑衣  
待余兩岐秀去去掩柴扉 梁范雲登三山詩曰仄徑  
崩且危叢巖竦復垂石藤多卷節水樹饒蟠枝海中昔  
自重江上今如斯 梁江淹歷山詩曰愁生白露日思  
起秋風年竊悲杜蘅暮攬涕即空山落葉下楚水別鶴

噪吳田嶂氣陰不極日色半虧天酒至情蕭瑟憑樽還  
惘然 又遊黃檗山詩曰長望竟何極闕雲連越邊南  
州饒竒怪赤縣多靈仙金峰各虧日銅石共臨天陽岫  
昭鸞采陰谿噴龍泉雞鳴丹嶽上猿嘯青崖間 梁任  
昉奉和登景陽山詩曰物色感神遊升高悵有閱南望  
銅駝街北走長楸埒別澗宛滄溟疏山駕瀛碣奔鯨吐  
華浪司南動輕柂日下重門照雲開九華澈觀閣隆舊  
恩奉圖愧前哲 梁庾肩吾遊甌山詩曰平子去已久  
餘風今復追未必遊春草王孫自不歸寒雲間石起秋  
葉下山飛 又賦得山詩曰層雲霾峻嶺絕澗倒危峰

地部

山

山

刻削臨千仞嵯峨起百重行曦上杳杳結霧下溶溶仁  
心留此屬休奉愧羣龍 周蕭撝上蓮山詩曰獨邁青  
蓮嶺超竒紫蓋峰挂流遙似鶴插石近如龍沙崩聞韻  
鼓霜落似鳴鐘飛花滿叢桂輕吹起脩筇石蒲今尚有  
採摘更相逢 周王褒明慶寺石壁詩曰夏水懸臺際  
秋泉帶雨餘石生銘字長山久谷神虛 又雲居寺高  
頂詩曰中峰雲已合絕頂日猶晴邑居隨望近風煙對  
眼生 陳張正見賦得山卦名詩曰蓬萊遯羽客巖穴  
轉蒙籠雲歸僊井暗霧解石橋通影帶臨峰鶴形隨雜  
雨風尋師不失路咸欲馭飛鴻 陳蕭詮賦得往往孤

山映詩曰青山照落暉暎遠望連飛僊峰看玉笥關路  
視金微鼓吹聲疑盡香爐煙覺稀共君臨水別勞此送  
將歸 陳釋惠標詠山詩曰靈山蘊麗名秀出寫蓬瀛  
香爐帶煙上紫蓋入霞生霧捲蓮峰出巖開石鏡明定  
知丘壑裏併佇白雲情 又曰峨眉信重險天日本僊  
居金華抱丹竈玉笥蘊神書幽人披薜荔怨妾採靡蕪  
紫巖無暮雨何時送故夫 又曰丹霞拂層閣碧水泛  
蓬萊鼇岫含煙聳蓮崖照日開松門夾細葉石磴染新  
苔能令平子見淹留未肯回 蕭愨奉和望山應教詩  
曰仙遊本多趣復此上秋初巖低石倒險嶺高松更疎

峰形疑鳥翅塞路似狼居矚望情無已詞殫意有餘  
隋李德林詠山詩曰登嶺望重關腰珮且鳴環天河臨  
易飲月桂近將攀王母仙山至夫人南嶽還何必陽臺  
下要待夢容顏 隋劉斌詠山詩曰雪山峙千仞蔽日  
且嵯峨紫蓋雲陰遠香爐煙氣多石梁高鳥路瀑水近  
天河欲知聞道里別自有仙歌 唐太宗詠小山詩曰  
近谷交縈縈遙峰對出蓮徑細無全磴松小未含煙  
**增**唐李嶠詠山詩曰山嶺鬱氛氲峩峩上翠氛泉飛一  
道帶峰出半天雲石壁丹青色新花錦繡文已開封禪  
禮希謁聖明君 唐崔仲方小山詩曰崑丘本難步軒

臺不易朝還往麟洲上時聽鳳凰簫霞觀文犀簞香林  
碧玉條且學燒丹甌何假摘靈桃 唐杜甫白鹽山詩  
曰卓立羣峰外蟠根積水邊他皆任厚地我獨近高天  
白滂千家邑清秋萬里船詞人取佳句刷練始堪傳  
又丈人山詩曰自為青城客不唾青城地為愛丈人山  
丹梯近幽意丈人祠西佳氣濃緣雲擬住最高峰掃除  
白髮黃精在君看他時冰雪容 唐李白天門山詩曰  
迴出江上山雙峰自相對岸映松色寒石分浪花碎參  
差遠天際縹緲晴霞外落日舟去遙回首沉青靄 又  
登峨眉山詩曰蜀國多仙山峨眉邈難匹周流試登覽

地部  
山

絕怪安可息青冥倚天開彩錯疑畫出冷然紫霞賞果  
得錦囊術雲間吹瓊簫石上弄寶瑟平生有微尚歡笑  
自此畢煙容如在顏塵累忽相失倘逢騎羊子攜手陵  
白日 唐劉長卿洞陽山詩曰舊日仙成處荒林客到  
稀白雲將犬去芳草任人歸空谷無行徑深山少落暉  
桃源幾家住誰為掃荆扉 唐權德輿玉山嶺詩曰悠  
悠驅匹馬征路上連岡晚翠深雲竇寒苔淨石梁荻花  
偏似雪楓葉不禁霜愁見前程遠空郊下夕陽 唐林  
璠入北山詩曰整駕俟明發逶迤歷險途天形逼峰盡  
地勢入谿無樹遶圓潭密雲橫疊嶂孤誰憐後時者六

月未南圖 唐白居易商山仙娥峰詩曰我為東南行  
始登商山道商山無數峰最愛仙娥好參差樹若插  
匝雲如抱渴望寒玉泉香聞紫芝草青巖屏削碧白石  
牀鋪縞向無如此物安足留四皓感彼私自問歸山何  
不早可能塵土中還隨衆人老 唐項斯山中詩曰青  
櫪林疎亦有人一渠流水數家分山當日午移峰影草  
帶泥痕過鹿羣蒸茗氣衝茅屋出縑絲聲隔竹籬聞行  
逢賣藥歸來客不惜相隨入白雲 唐李頻尋山詩曰  
一徑入雙崖初疑有幾家行窮人不見坐久日空斜石  
上生靈草泉中落異花終須結茅屋向此學餐霞 宋

梅聖俞望山詩曰北望直百里峩峩千仞青斷虹迎日  
盡飛雨帶龍腥陰壑煙雲畜陽崖草木靈登臨終不厭  
時許到茲亭 宋王庭珪山行詩曰緩鞚青絲馬不嘶  
青山草長靜柴扉逆林新筍斑斑出隔水幽禽欵欵飛  
雨過泉聲鳴嶺背日長花氣撲人衣雲藏遠岫茶煙起  
知有僧居在翠微 明潘定王山行詩曰丹地轉嶙峋  
山寒未覺春枯藤懸古木獨鳥咤行人崖斷才分逕雲  
低欲拂巾漸看天路近下界積微塵

**原**吟晉夏侯湛山路吟曰夙駕兮待明陟山路兮遐征  
冒晨朝兮入大谷道逶迤兮嵐氣清攬轡兮抑馬踟蹰

兮曠野曠野驅兮寥落崇岳兮鬼愕丘陵兮連離卉木  
兮交錯淶水兮長流驚濤兮拂石 宋謝莊山夜憂曰  
庭光盡山明歸流風乘軒卷明月緣河飛澗鳥鳴兮夜  
蟬清橘露靡兮蕙煙輕凌別浦兮值魚躍經喬林兮遇  
猿驚南臯別鶴佇行漢東鄰孤管入青天沉痾白髮共  
急日朝露過隙詎賒年年去兮髮不還金膏玉液豈留  
顏迴舸拓繩戶收櫂掩荆關

**檀**歌唐顧况苔蘚山歌曰野人夜夢江南山江南山深  
松檜閒野人覺後長歎息帖蘚黏苔作山色閉門無事  
任盈虛終日歌眠觀四如一如白雲飛出壁二如飛雨

洪鑄卷三十四  
巖前滴三如騰虎欲哮咆四如懶龍遭霹靂峻峭嵌空  
潭洞寒小兒兩手扶欄杆

**原賦**魏劉楨黎陽山賦曰自魏都而南邁迄洪川以竭  
休想王旅之旌旄望南路之遐脩御輕駕而西徂過舊  
塢之高區爾乃踰峻嶺超連岡一登九息遂臻其陽南  
蔭黃河左覆金城青壇承祀高碑頌靈珍木駢羅奮華  
揚榮雲興風起蕭瑟清泠延首南望顧瞻舊鄉桑梓增  
敬慘切懷傷河源汨其東逝陽鳥飄而南翔觀衆物之  
集華退欣欣而樂康 晉潘岳登虎牢山賦曰辭京輦  
兮遙邁將遠遊兮東夏朝發軔兮帝墉夕結軌兮中野

憑脩坂兮停車臨寒泉兮飲馬眷故鄉之遼隔思紆軫  
以鬱陶步玉趾以升降陵汜水而登虎牢覽河洛之二  
川眺成平之雙臯崇嶺巖以崔萃幽谷豁以寥寥路透  
迤以迫隘林廓落以蕭條爾乃仰蔭嘉木俯藉芳卉青  
煙鬱其相望棟宇悚以鱗萃彼登山而臨水固先喆之  
所哀矧去鄉而離家邈長辭而遠乖望歸雲以歎息腸  
一日而九迴良勞者之詠事爰寄言以表懷 晉郭璞  
巫咸山賦曰蓋巫咸者實以鴻術為帝堯醫生為上公  
死為貴神豈封斯山而因以名之乎伊巫咸之名山崛  
孤停而傑峙體岑峭以隆顏冠崇嶺以峻起配華霍以



助鎮致靈潤乎百里爾乃寒泉懸涌浚湍流帶林薄叢  
籠幽蔚隱藹八風之所歸起遊鳥之所喧會潛瑕石揚  
蘭蒨迴翔鶴集凌鷓鷯翳禽鳥栖陽以晨鳴熊虎窟陰  
而夕暉 梁江淹江上之山賦曰挂青蘿兮萬仞豎丹  
石兮百重百重兮岳岵如斲兮如削波潮兮吐納嶼岸  
兮積沓見紅草之交生眺碧樹之四合草自然而千華  
樹無情而百色嗟世道之異茲牽憂患而來逼 梁吳  
均八公山賦曰峻極之山蓄聖表仙南參差而望越北  
灑迤而懷燕爾其盤桓基固含陽藏霧絕僻嶮巖層巖  
迴互挂皎月而常團雲望空而自布袖以華閬帶以潛

淮文星亂石藻日流階若夫神基巨鎮卓犖荆河箕風  
畢雨育嶺生峨高岑直兮蔽景脩坂出兮架天以迎雲  
而就日若從漢而迴山露泣葉而原淨花照磯而岫鮮  
促嶂萬尋平崖億絕上被紫而煙生傍帶花而來雪維  
英王兮好僊會八公兮小山駕飛龍兮翩翩高馳翔兮  
冲天 陳張正見山賦曰何神山之峻美諒苞結之所  
成東垂曰秦南服稱衡西戎所擅北狄標名於是堯值  
洪流滔天襄陵禹敷水土奠高刊木衆川旣導羣嶽自  
脩潛通四瀆鎮壓九州森羅辰象吐吸雲霧深不可測  
遠不可步於廓靈山長為作固爾其為狀也則武當太

和武功太白崑崙五門扶寧三石峰高一萬峭峙三百  
登而眺之則千里無極俯而臨之則萬仞難測暎白鶴  
而同高混青天而共色 晉潘尼西道賦曰異山河之  
岨阨倦關谷之盤紆車低徊於潛軌馬佗僚於險塗狗  
肘還勾羊角互戾蕘窟連投十數億計石子之澗坎埒  
之穴支體為之危竦形骸為之疲曳此亦行者之艱難  
羈旅之困弊若其名坂則羊羹八特成臯黃馬迴波激  
浪飛沙飄瓦馬則頓躓狼傍虺頽元黃牛則體疲力竭  
損食喪膚蹠蹄穿領摩髓脫軀 唐太宗小山賦曰何  
四序之交運轉一陽之暮時風辭暄而入暑樹替錦而

成帷想蓬瀛兮靡覲望崑閬兮難期抗微山於綺砌橫  
促嶺於丹墀啓一圍而建址崇數尺以成坏既無秀峙  
之勢本乏雲霞之資承墜宇之殘雷挂低空之斷絲爾  
乃參差絕巘威紆短逕風暫下而將飄煙纒高而不暝  
寸中孤嶂連還斷尺裏重巒歆復正岫帶柳而合雙眉  
石澄流兮分兩鏡爾其移芳植秀擢幹抽莖松新翠薄  
桂小丹輕細影雜兮俱亂弱勢交兮共縈纒有力以勝  
蝶本無心而引鷲半葉舒而巖暗一花散而峰明何纖  
微之同景亦卑細以相成於是換浮歡於沉思賞輕仁  
於勝地俯蟻垤而有餘仰終南而多愧非為固於九折

地部

山

山

庶無虧于一簣聊夕翫而朝臨足據懷而蕩志  
唐  
許敬宗掖庭山賦曰命世作弼含章挺英允文允武惟  
誠惟明聽甘棠之暇隙想叢桂之幽情瞰浮雲而志遠  
瑩寒井而神清乃命僕夫整駕山隅騰鳴笳於通谷擁  
飛蓋於高衢逍遙仁智之境放曠道德之區造中天而  
式宴陵倒景而為娛星懸珠網日對金鋪雲承綺棟霓  
縈繡櫺既而近矚玲瓏遠眺溟濛隔翠微而半顯歷丹  
穴而纔通等玉京之仙化作銀闕之神功於時百卉敷  
榮六合清朗霞澹水而川媚風飄林而澗響聳絕壑之  
千尋挂懸流之萬丈蔽日月而孤峙吐雲霓而秀上循

折坂而逶迤躡危嶠而來往鑿離暉于石鏡法瑞露于  
雲掌爾其花藥紛披蹊徑參差舒英冒渚擢幹臨崖乍  
蒼蒼而橫植忽葑茸而倒垂扇晨飈而裊裊含宿霧而  
荷荷陰町疇之毛羣呀間關之羽族或相賀於叢棟或  
競馳於原陸駒食藿而馴場鶯含桃而出谷德澤加於  
飛走榮光周於草木日云暮時稍闌暢神襟而體物紀  
盛跡以濡翰發詞林之華藻瀉筆海之波瀾命小臣而  
並作賦大雅而承歡辭曰芳園兮鬱鬱高岫兮峩峩君  
王兮遊豫軒蓋兮輕過花同林兮異彩鳥各轉兮相和  
野獸鳴兮應鐘石山英開兮間綺羅侍荆臺之入夢舞

洛汭之凌波懸清暉於日月同眉壽於山河 唐周鉞  
土積成山賦曰彼山之峻兮稟氣而成此山之峻兮積  
壤所營何人功之彙聚致丘壑之崢嶸始見一抔已見  
進於吾往終成九仞還宜景行而行當其率性作勞因  
高立趾將覆篲而可久念極天而有俟道既長而彌專  
力雖勤而未已於是資地勢建土功區區而日不暇給  
矻矻而樂在其中以不拒物為心因成高大以不讓塵  
為德遂致穹崇所謂從微而至著有感而必通致峰巒  
而因人立跡俾造化而與古爭雄

**原贊**晉庾肅之山贊曰懸巖脊翳神明攸居官府風雲  
懷吐川渠崑閬天聳五嶽雲停飛峰紫蔚辰秀太清  
晉戴逵山贊曰蔚矣名山亭亭洪秀並基二儀崑嶠雲  
構嗟峨積咀寥籠虛岫輕霞下拂神泉旁漱曰仁奚樂  
唯茲比壽 晉郭璞炎山贊曰木含陽氣精構則然炎  
之無盡是生火山理見乎微其妙在傳

**原銘**晉張載劔閣銘曰巖巖梁山積石叢叢遠屬荆衡  
近綴岷嶓南通邛棘北達褒斜狹過彭碣高踰嵩華惟  
蜀之門作固作鎮是曰劔閣聳立千仞窮地之險極地  
之峻世濁則逆道清斯順閉由往漢開自有晉秦得百  
二并吞諸侯齊得十二田生獻籌矧茲狹隘土之外區

洪金華山卷二十四  
一人荷戟萬夫趨，起形勝之地非親。勿居昔在武侯中，  
流而喜山河之固。見屈吳起興實在德，險亦難恃洞庭。  
孟門二國不祀自古迄，今天命匪易憑阻作昏黜。不敗  
績公孫既滅劉氏，銜璧覆車遺軌罔或重。跡勒銘山阿，  
敢告梁益。晉湛方生靈秀山銘曰：巖巖靈秀，積岨幽  
重。傍嶺關岫，乘標挺峰。桂柏參幹，芝菊亂叢。翠雲夕暎，  
爽氣朝蒙。龍竦林穆，穆聞房幽。室冬暄清，陰夏涼神。  
木竒生靈草，真香雲鮮。其色風飄，其芳可以養性。可以  
棲翔長生，久視何必仙鄉。梁簡文帝行雨山銘曰：巖  
畔途遠，阿曲路深。猶云息馭，尚且抽琴。茲峰獨擅，嶽峙

千變卻繞畫房前，臨寶殿玉岫開。華紫水迴斜谿間，聚  
葉澗裏縈沙月。映成水人來當花藤，結如帷磧起成基。  
芸香馥逕石鏡臨墀。又明月山銘曰：迢遞峰長，威紆  
嶽聚。既正書門，兼同天柱。非競小山，寧論大庾。豈學士  
龍詎須石鼓，緞色斜臨霞文橫。梁孝元帝東宮後  
堂僊室山銘曰：太華削成本，擅竒聲。峰如雪委，嶺若蓮  
生。雲除紫蓋，霞通赤城。金壇是籙玉，記題名鳳。依桐樹  
鶴聽琴聲，殿接南箕。橋連北斗，秋河從帶。春禽銜綬，朱  
鳥安窻。青龍作牖。梁庾肩吾東宮玉帳山銘曰：玉帳  
寥廓崑山，抵鵲總葉成帷。連枝起幕，玉藥難徙。金花不

落隱士彈琴僊人看博巖留故鼎竈聚新荆煮石初爛  
燒丹欲成桑田屢盡海水頻傾長聞鳳曲永聽簫聲  
周庾信梁東宮行兩山銘曰山名行兩地異陽臺春人  
無數神女羞來翠幔朝開新妝旦起樹入牀前山來鏡  
裏草色衫同花紅面似開年寒盡正月遊春天絲劇藕  
蝶粉多塵橫藤礙路垂柳低人誰言洛浦一箇河神  
陳徐陵後堂望美人山銘曰高堂疑雨洛浦無洲何處  
相望山邊一樓峰因五婦石是三侯險逾地肺危陵天  
柱禁苑斜通春人恒聚樹裏聞歌枝中見舞恰對妝臺  
諸牕併開遙看已識試喚便迴豈如織女非秋不來

**增**唐高宗玉華宮山銘曰順請峒山鑄芳金石道光軒  
駕聲流姬迹矧此崇巖介通帝室峻侔銅柱祥韜金碧  
飲渭南通鳴岐西格炎生肇授彤暑初融高明叶序卜  
揆裁宮鳳標銜露鳥跂捫空丹谿繚繞璇樹玲瓏逕分  
餘雲嶺界斜虹流光縟景清籟嘶風波移控鯉雲飛御  
鶴沉沉松嶝萋萋蘭幄霧宿重巒寒生洞壑峰高鳥路  
月對林垂交藤散綠懸鏡成規鶴歸繞薜鳳下標椅崖  
依注蘚池涵卷菴廣運堯心式昭夏諺端靈養白申歌  
秘殿蘭閣流霜椒臺凝霰玉榮則賞瑤池肆宴福壽無  
疆華封斯薦

原碑 梁簡文帝神山碑銘曰關號天井山稱地雌碧雞  
金馬越瀆梁池懷靈蘊德孕寶含竒此亦仙岫英名遠  
摘昔有鷺窟不燒淨土邁彼高蹤構茲法宇引葉成帷  
即樹為柱石砌危橫崖階斜豎 梁元帝元圃牛渚磯  
碑曰竊以增城九重僊林八樹未有船如鴈鶴時度宓  
妃橋似牽牛能分織女丹鳳為羣紫柱成列清風韻響  
即代僊歌桂影浮池仍為月浦璧月朝暉金樓啓扉畫  
船向浦錦纜牽磯花飛拂袖荷香入衣山林朝市併覺  
志歸

原序 宋謝靈運名山序曰夫衣食人生之所資山水性

分之所適世識多云歡足本在華堂枕巖漱流者乏於  
大志故保其枯槁余謂不然君子有愛物之情有救物  
之能橫流之弊非才不理故時有屈己以濟彼豈以名  
利之場賢於清曠之域耶陶朱高揖越相留侯願辭漢  
傅推此而言可以明矣

唐王勃越州秋日宴山亭

序曰昔王子敬琅邪之名士常懷習氏之園阮嗣宗陳  
留之俊人直至山陽之坐豈非琴樽遠契必兆朕於佳  
辰風月高情每留連於勝地是以東山可望林泉生謝  
客之文南國多才江山助屈平之氣况乎揚子雲之故  
地巖壑依然宓子賤之芳猷弦歌在屬紅蘭翠菊俯映

砂亭黛柏蒼松深環玉砌參差夕樹煙侵橋袖之園的  
歷秋荷月照芙蓉之水既而星迴漢轉露下風高銀燭  
掩花瑤觴杼興一時仙馭方深擯俗之懷五際飛文遂  
動綠情之作人分一字四韻成篇

**原書**梁吳均與施從事書曰故鄣縣東三十五里有青  
山絕巒干天孤峰入漢綠嶂百重青川萬轉歸飛之鳥  
千翼競來企木之猿百辭相接秋露為霜春蘿被逕風  
雨如晦雞鳴不已信足蕩累頤物悟衷散賞 又與朱  
元思書曰風煙俱淨天山共色從流飄蕩任意東西自  
富陽至桐廬一百許里奇山異水天下獨絕水皆縹碧

千丈見底游魚細石直視無礙急湍甚箭猛浪若奔夾  
峰高山皆生寒樹負勢競上互相軒邈爭高直指千百  
成峰泉水激石泠泠作響好鳥相鳴嚶嚶成韻蟬則千  
轉不窮猿則百叫無絕鳶飛戾天者望峰息心經綸世  
務者窺谷忘返橫柯上蔽在晝猶昏疎條交暎有時見  
日

淵鑑類函卷二十四

地部

淵鑑類函卷二十四

山



淵鑑類函卷二十四  
地部三 峴 巖 峽 洞  
一

淵鑑類函卷二十五

地部三 岡 峴 巖 峽 洞

岡一

**原**爾雅云山脊曰岡 **釋名**曰岡亢也在上言也

**原**毛詩曰陟彼高岡我馬元黃 **釋**又曰如山如阜如

岡如陵 又曰陟彼岡矣瞻望兗矣 又曰鳳皇鳴矣

于彼高岡 又曰謂山蓋高為岡為陵 尚書曰火炎

崑岡玉石俱焚 **原**地理志曰秦望氣者云東南有天

子氣使赭衣徒鑿雲陽縣北岡改名曲阿 又曰天門

零陽縣有半石岡岡上有石名僊人樓 山謙之丹陽

地部

淵鑑類函卷二十五

岡

洪鑑卷之二十一  
記曰句容縣東三十里有龍岡岡頂有龍沸潭周十三丈聞人聲水便沸動常日則不動 劉楨京口記曰城北四十餘里有小岡高二丈許有人鼻形著岡西頭有口在上而鼻在下方圓數尺狀如焦土古老相傳因名下鼻今無復鼻厥口猶在 王韶之始興記曰郡西南有芙蓉岡高若玉山鄰枕郊郭可四十餘里 又曰含淮縣白鹿城南有白鹿岡晉咸和中縣令張魴有德惠白鹿羣遊岡上因以為名 雷次宗豫章記曰洪井西有鸞岡舊說洪崖先生乘鸞所憩之處也 顧微廣州記曰四會縣有金岡行人往往見金于岡側 裴氏廣

州記曰城北有馬鞍岡秦時瞻氣者言南方有天子氣始皇發民鑿破北岡地中出血鑿處猶在 又曰增城縣有雲母岡日出照之晃耀 武昌記曰城北有岡高數丈名為鳳闕其處顯敞升闕以望川澤多所遠瞻吳黃龍元年有鳳皇集此岡故謂之鳳闕鳳闕南十里有金牛岡古老相傳云有金牛出此岡岡今半崩坑深數丈牛踐岡邊遺跡猶存 王孚安城記曰萍鄉西津里南五里山名玉女岡天氣常雨水輒先涌出石間而有五色元黃百姓謂之玉女披衣 鄧德明南康記曰陳蕃墓有青龍岡土人傳曰昔見一物龍形而通身純青

數出此岡頂故因以為名 又曰贛縣有馬脊岡其形如馬脊故以為名也 衡山記曰衡山有曾青岡出曾青可合僊藥有靈壽岡多靈壽木 相家書曰冢前左右有小岡如投算相連數里名為導引岡葬之出富貴 又曰經言葬遇沈岡遠至二十年皆絕世無後葬遇浮岡隨世浮沈者士必安終無災厄葬遇飛岡奕世富貴亦出神仙 荆州記曰零陵郡東南有黃溪黃溪西有樊石岡 郡國志曰久留岡昔太守衛諷罷郡還都故老送別久留此岡因名 又曰顯朝岡在鬱平縣陸績制渾儀處 隋圖經曰歷陵縣西十里有十子岡

寶山也而高大有家如硯子世謂之硯子冢是趙簡子冢也石虎令人發之初得炭深一丈得連木版原高八尺次得流泉水水色清冷非常以牛皮為囊作絞車以汲之一月而水無極乃止築城繞之氣成樓閣 酈道元水經注曰蓼水出襄國石井岡岡上有井大如輪隋區宇圖志云此井光武營軍所鑿傍有荆棘生皆蟠縈如人手結云是光武繫馬處 鄱陽記曰大雷岡在縣東北後漢雷義字仲公所居

岡二

**增**鳳皇

鶯鶯 潛確類書曰鳳皇岡在福州府侯官縣洪塘南頭起城南三十里尾起城西二

地部

增

岡

十里又曰鶯鶯岡在通許縣東南相傳有彩鳳集  
 其上故名按皇畿注是邑極平曠民有老而不識山者  
 環邑之岡綿亘數里青龍白鹿又曰青龍岡在南  
 邨以頂有青龍見故名上有一石時放光明號鏡石  
 志云徐道覆欲上青龍岡大電繞身雷震而止陽城  
 前鳳鳴龍卧七里有前一龍岡起自嵩山之南綿亘  
 數百里至此截然而住因名其岡云其下平田如掌即  
 在內時人目侯為卧龍因名其岡云其下平田如掌即  
 侯躬耕處也彩鸞神龜昌府西一名彩鸞岡上有  
 其跡猶存彩鸞晉吳氏女也同其父猛上昇至唐太  
 和末年下降遇書生文簫于此又曰神龜岡在建昌  
 府南豐縣東北王侍宸尸解之處按侍宸一名文脚字安  
 道南豐人少遊方外將渡揚子江遇暝館一老嫗家見  
 案上異書因得縱鈔至天明乃息在樹下初無館舍也  
 既渡復遇人自稱玉府火師授以秘文自是法術有驗  
 及應召還山斂法書劍千仞三垂振衣千仞岡濯  
 印藏之軍峰石室而去

足萬里流五代史曰李克用破邢州還至上黨置酒  
 三垂岡伶人奏百年歌時莊宗五歲克用指之曰此奇  
 兒也後廿年其代我戰此乎後莊宗大破梁軍望海  
 垂岡歎曰此先王置酒處也進兵大破梁軍望海  
 落星潛確類書曰望海岡在肇慶府陽江縣南十里登  
 紫綺裘換酒飲又曰落星岡在應天府西北李白以  
 落星石即此

岡三

**原斑竹岡** 有楚平王冢斑竹五十里  
**黑龍岡** 又曰黑龍岡  
**龍岡** 廬山有龍岡云廬鳳  
**黃龍岡** 相冢書曰  
**長岡** 有龍岡云廬鳳  
**鹿城岡** 金  
 宮商  
 荆州記云瀟陽縣東南有鳳岡四  
 十里古老相傳云昔鳳產乳其上  
 秦始皇東遊觀地勢云此有天子氣使  
 徒三千人鑿此湖見長岡因名丹徒  
 名勝志云鹿城岡在順德府城北十五里舊邢侯  
 欲築城于此立標已定有鹿銜標于今處遂移焉  
 地部  
 尚監頁名卷三十五

栗岡 唐舊紀云明皇謁五陵至橋陵見金粟山岡有龍蟠鳳翥之勢謂侍臣曰吾千秋萬歲後宜葬此地

得奉 青岡 晉紀云符堅敗至青岡聞

在寶慶府武岡州有丹砂井 黃岡 潛確類書曰從黃岡縣城南

傍即真人廖立之故宅也 黃岡 州府黃岡縣城

度濠塹赤錦而平岡迤邐黃泥之阪也 龍岡 在吉

蘇子瞻赤錦賦所云與客過黃泥之阪也 龍岡 在吉

安陽脩龍岡表即此 午岡 水縣西五桂連延而其

一獨營世傳楊仙師飛昇處仙師故 銀岡 在吉安府

宅在岡下環宅左右不產螺絲之屬 銀岡 在吉安府

永寧縣發脉于鷲嶺連接七溪有萬馬騰驤 鈴岡 曰

之勢每白霧橫玉潭水澄碧為此方之大觀 鈴岡 曰

則舉邑在宜縣山勢特出登之 聖井岡 在臨城東北

竭上有井冬夏不 鐵柱岡 又曰鐵柱岡在淮安府鹽

傳秦皇繫馬柱也或云濱海 臙脂岡 又曰臙脂岡在

多蛟龍性畏鐵作此鎮之 臙脂岡 又曰臙脂岡在

春時桃李開花爛熳如臙脂 **華子岡** 又曰輞川白

故名或云土石色紫赤似之 **華子岡** 又曰輞川白

**吉錢岡** 又曰吉錢岡在贛州府信豐

廣州府番禺縣郡國志云 **英靈岡** 又曰英靈岡在雷

趙作三月三日登高于此 **英靈岡** 又曰英靈岡在雷

出於此國史補云雷州春夏多雷秋 **蛇黃岡** 又曰蛇

澤州府平南縣岡勢如蛇行出蛇 **蛇黃岡** 又曰蛇

黃可敷腫毒尤治小兒驚癇 **蛇黃岡** 又曰蛇

**岡四**

**原詩** 宋謝靈運入華子岡麻源第三谷詩曰南州實炎

德桂樹凌寒山銅陵映碧澗石磴寫紅泉既枉隱淪客

亦棲肥遯賢遂登羣峰首邈若騰雲煙羽人絕髣髴丹

丘徒空筌圖牒復磨滅碑版誰聞傳莫辨百代後安知

地部

附錄頁頁卷二十一

千載前且申獨往意乘月弄潺湲  
**增**唐王維華子岡  
詩曰飛鳥去不還連山復秋色上下華子岡惆悵情何  
極  
明胡翰卧龍岡詩曰蜿蜒卧龍岡高出列雉背審  
曲立萬楹增雄踰九陞飛栱臨丹霞交疏發清吹上極  
高明居下有深幽隧摩挲岡頭石零落重奎字山川一  
何幽蒼莽鴻飛外

**原賦**宋傅亮登龍岡賦曰靜潛處以永念聊駕言以寫  
憂蒙旭露而夙軫稅余轡於龍丘南臨平隰西際荒疇  
比宇連甍幽榛四周眺江都之廣遠究川陸之迴脩羨  
翔羽之嬉林樂綠蘋之在流乘清漪以汎濫翳稠枚而

命仗信遂生之有所何怵迫於人尤

峴

**增**大峴

晉書劉裕伐燕或曰燕人若塞大峴之險若何

**原**驚驚峴

齊道記黃

有驚驚峴下帶長

間東北流經牛山

青沙峴

從征記

白石峴

京

記去城九里有白石

銅冶峴

齊地記

石

石

鼓峴

武昌記城東南有金

翻車峴

江乘地記

石

途所經甚險行

兔頭峴

續述征記

兔頭峴

雖無險

巖

**增**說文云巖崖也

山邊謂之崖

尚書說命曰夢帝賚

予良弼其代予言乃審厥象俾以形旁求于天下說築

地部

傅巖之野惟肖爰立作相王置諸其左右 晉書曰許  
詢移居鼻屯之巖常與沙門支遁及謝安石王羲之等  
同遊往來今鼻屯呼為許度巖 又曰顧愷之為謝鯤  
像坐石巖裏云此子可置丘壑中 齊書曰徐伯珍宅  
南九里有高山班固謂之九巖山後漢龍丘長隱處也  
山多龍鬚檉柏望之成五采世呼為婦人巖 原潯陽  
記曰赤山崖峻壁上多靈巖生僊菜邨人恒採之也  
嵩高山記曰少室山大巖中有一石室云有自然經書  
自然飲食室前有一石柱象承露盤上有石脂滴滴流  
下服之一合壽與天地同畢 盛弘之荊州記曰平樂

縣有山臨水巖間有兩目如人眼極大瞳子白黑分明  
名為目巖 又曰始興機山東有兩巖相向如鴟尾石  
室數十所經過皆聞有金石絲竹之聲 鄭緝之東陽  
記曰北山有春草巖根竹巖僊姥巖不生蔓草盡出龍  
鬚尤多藥物 南康記曰陽道士葬巖室臨終語弟  
子等可送吾尸置彼石室中巾褐香爐此外無所須也  
葬數年猶儼然如生今舟行者過其山渚長聞香氣咸  
歎異焉 鄱陽記曰香巖在貴溪縣東五里舊名腥腥  
巖昔術者許旌陽見蛇於此巖下因此名焉後人惡其  
名遂改香巖 又曰弋陽嶺上多蜜巖元嘉中有人見





存謝容巖 巖花 湧翠 法融曰巖花巖在應天府祖堂

三丈其巖在餘杭大滌山前嶺巖起高二丈廣

浮石積書可容舫石尚書何異巖為山莊表其勝蹟

之異揭于方壺室洪邁有記積書巖二大字賜石

燕玉瑄又曰石燕巖在長汀縣寰宇記云昔有飛燕

郡文學奚景得玉瑄十二于此今舜祠側漢哀帝時零陵

注水滴水師又曰注米巖在會昌深廣二丈伏虎禪

可給後人鑿之僅有流泉如了髻飛泉于尺置槽引之

城北巖人鑿之僅有流泉如了髻飛泉于尺置槽引之

可窮又浙江新昌縣有滴水巖巖下清泉一滴烈日凍

雨皆無盈縮其味清甘甲于眾泉又有乳香

巖太師巖半壁有釣磯相傳任公子釣魚處 抱玉

會仙亭又曰抱玉巖在湖廣承天府荆門州西北有潛玉

府通山縣南高五丈深七尺懸石若鐘鼓叩之有聲巨

石如牀昔樵者見有拄錫端坐其上者頃即不見疑以

人為仙人云 巖三 增 燕巖 山堂肆考曰燕巖在山西太原府壽

靈巖 騎山吳王館娃宮響廊廊香溪水溪玩花池在馬

月巖 天中記曰欲飛之狀有石如片雲拔地高數丈巖

有一巖名曰月巖惟中秋之日尤斜而澹巖在永州

出十四名曰月巖惟中秋之日尤斜而澹巖在永州

上有瀟山寺樓殿隱石隙中明巖在天台桐栢山下

風雨不能及四巖削成萬仞初巖在天台桐栢山下

寶嵌空樓閣半在巖間不復覆以茅瓦即石成

巖洞口有帽影馬跡俗傳開丘肩委跪于此

寒巖

在台州府天台縣石壁高數百丈為屏為洞容數百

人夏至不見日影一石甚方正乃寒山子晏坐處

密巖史崇傳昭為臨海太守郡有密巖太梅巖在江

于縣藏山上題其利昭下教勿封密巖

軒器可以遊觀前有石龕出泉五色後有大石肖人小

石肖牛鼻俗呼牛鼻巖傍有幽窈泉清木茂宋崇觀

宣巖在江州府長汀縣巖洞不樂仕進歸隱于此

守謝詞雅重其西巖在寧化縣登石梯而上石筍屹

涓如龍當門之頂其中空洞如砥可坐千人東巖在

然縣中有數石室始入隱若有人形諦視則無謂之

化影洞傍有石蓮數朵大如車輪左有石龕藏經謂之

山龕又有石如壺高可二丈寒泉湧出壺口皆成鍾乳

下有芝田數區上有響石撞之如鐘西有石柱峻削如

青琅玕其南有泉自石中出游香巖在大理府西點

溪迅急復入于石縫不知所之

來世傳釋菰藤巖在安慶府太湖縣北金谷巖在桐城東

山巖軒豁宏敞就石為佛閣不施瓦柱中有丈六金身

像有青鳥一雙巢于巖時去聲如笙簧見之者云

年矣會勝巖在浮山石屋連蟻深窳幽香前有遠錄

二巖為最金晶巖在常州府宜興縣佛窟洞西巖

松林巖在廬州府六安州南一名高寮巖松柏蒼翠中

蕙玉虹巖在彰德府林縣支離巖東天井巖在武

巖石四圍如定晉巖在武安縣北懸崖百仞松柏蒼

池狀極險峻如定晉巖在武安縣北懸崖百仞松柏蒼

池湧出至今猶存蚪蚪巖在登封縣漢張芝獲

太白巖在石鏡山有唐詩刻相傳李太白讀書處

峯公巖在夔州府萬縣大江之南石巖盤結若華蓋

地部

巖

蔚蒼翠 石龍巖 在衡州府臨武縣中時洗之即雨

高士巖 在永州府寧遠縣因名舊時得樂器一部無

為觀道士以巖之朝 仙跡巖 在杭州府餘杭縣大滌

之跡隱然動忽不見生苔蘇舊志秦始皇驅鬼兵塞

樓巖 在遂昌縣瀑四時不絕冬則凝結倒懸如玉浮屠

禪師錫其側感黃龍出受戒禱雨輒應 了頭巖 在

西戎陽有石如人首而岐故各或題詩云何不當時

嫁却休長教人喚作了頭後施達續云只因未有良媒

今幾百秋 石僊巖 在江西南豐縣南唐昇元中張天

壇作石室方廣一丈餘符石壁中先是巖為神栖飛石

石上隱 龍成巖 在萬載巖深九房有石如列仙者以

坐白沙旁作鬻鹽狀或掃去頃之復積宋元祐間獵者

遂獸如其處獲骨一具其頂 鐵石巖 在信豐二門相

穹然如角識者謂龍蛻也 漢仙巖 在

又舊名鳴鼓水涓涓而巳節金則長瀉 漢仙巖 在

昌舊名漢溪深廣數十丈相傳為秦王讀書處有石竇

僅容一人制高而入至讀書堂又橫過石壁有石龍數

丈見者謂以爲真又有古木一株大不盈握橫亘絕壁

山風狂吼終古不墮俗謂之仙女掛降真又有鷹蹲僧

帽羅漢能頭故羅蟾蜍天河天開諸石玉筍天竺二峰

天開閣月鏡臺會仙亭全剛窟滴水池白龍激萬松菴

一線大白蓮池石罅泉石獅石龜笏 皇恩巖 在瑞金

圓巖有龍穴水中二珠每秋際月澄珠時出游水際瑩

瑩然亦神異也巖狀如魚橫闊十餘丈前有二潭曰龍

曰龜于天聖中僧法明 八仙巖 在福州府 方壺巖

在永福巖中有二石室其下有 蔡溪巖 在仙遊巖前

曰石門高三十餘丈廣百十丈其上靈惠巖在大田

洞窾幽深飛泉奔激一塵不到處也

丈許內有廳事環坐數百人洞外眾峰森列如筍有泉

出石罅間隨飲者多寡為盈縮曰聖泉巖名靈惠以此

百丈巖一徑陡絕其巔長冒雲氣開霽之時香爐中有

子諸峰悉南安巖在武夷平形如獅子中有二巖南巖

見于前謙師巖在漳州府龍溪縣鶴鳴山中宋時開

石龕猶謙師巖元在漳州府龍溪縣鶴鳴山中宋時開

士對奕就之化為二鶴沖天而去餘一碁子取而食之

因而辟穀不食乃坎石為室居四十餘年後遂仙去

錦石巖在韶州府仁化縣崖中石巖五

西省城東俗呼聖水巖夜半則湖上巖日中則潮下

巖每日如常地廣數十畝即水經注云潮沙塘也

牛龍巖在興業南中可容千牛每冬則居民驅牛入巖

避寒又有龍蟄于此因名並潛確牘書

巖四

詩梁丘遲夜發蜜巖口詩曰弭權纔假寐擊汰已爭

先敞朗朝霞徹驚明曉魄懸萬尋仰危石百丈窺重泉

叢枝上點點崩溜下填填唐劉長卿斑竹巖詩曰

蒼梧在何處斑竹自成林點點流殘淚枝枝寄此心寒

山響易滿秋水影偏深欲覓樵人路蒙籠不可尋宋

謝翱雨飲玲瓏巖下詩曰垂雲起嶽嵌衣被松與桂夜

含星斗光隱若金石氣雨來輒阻之不得撫蒼翠下有

桑門子飲用陶匏器盆中蓄海石左顧如牡礪疑此磧

上來不知幾年歲桑門却問客所居何姓氏回指南海

峰蒼茫儻一至孫覲龍隱巖詩曰跳波觸石喧古木

地部

巖

巖

抱崖擁老蛟厭泥蟠一笑作潭洞孤峰起齒萃哀壑浩  
呼洶腥風噤蛙淫凍雨落毛氈凜凜白晝寒瘴髮立盡  
聳元張翥一生巖詩曰初地靈峰下重來爲講經神  
應合享受石亦點頭聽雲鶴隨飛益湖龍入淨瓶至今  
花雨處長照一鐙青明陳秀民靈巖詩曰寶殿壓崔  
嵬華池頂上開山從太白出水自洞庭來閣道連珠塔  
巖花照石臺吳王清暑地那得受塵埃崔子忠滴水  
巖詩曰入不知高下山春水似秋星河平地看雞犬半  
天遊洞腹藏元氣山根養伏流白雲朝出宿知是繞神  
州吳兆獅塔巖詩曰石罅置檐楹高低縱復橫臨深

暢幽意極險盡遊情火照潭心影經傳洞腹聲際着巖  
電射繞足澗霓生潛怪禪能伏啼鼯狎不驚欲窮前勝  
處無路若爲行

**增**銘唐呂溫傳巖銘曰赫赫湯德如火不滅滔滔商祚  
如海不竭發祥播氣世祚聖哲國誕武丁野生傳說說  
始胥靡武丁即祚德通神交忽夢如寤若帝導我期于  
顛素有無之間邂逅相遇宵衣而起爰得其人貌符心  
契如舊君臣飛龍在天山川出雲感激自致其間無因  
捨築傳巖脫鱗鵬升作霖時和奮楫川程金在吾礪木  
從吾繩君何言哉殷道中興元凱攀堯微舜孰階阿衡

干湯抱鼎徘徊會合之際厥惟艱哉何如夢中天授神  
開惟賢是登道貴特達匪次勿用才其壅遏高宗得說  
乃在恍惚揭銘擣光萬古不沒

**增**記明徐學謨遊貴溪仙巖記略云出龍虎山一里南  
迫大溪溪水澄瑩可鑒毛髮巖凡二十有四總之名仙  
巖云初一巖若三人頽然立水側拱容而前者曰三教  
巖其一人俯而瞰溪者曰觀水巖巖之凹處置殿具數  
處局木橫列差若貝齒或啓或閉或整或墜者曰仙倉  
巖其下爲酒甕巖有陶罌貯巖中東頭若古塚囊一  
棺而暴其半者爲仙棺巖其材色白他巖棺尤累累有

規形而銳首者其次曰藥羅巖有石磨一旁施藥羅即  
今醫肆中所陳其次曰丹竈巖巖之故竈彷彿頽壞惟  
敗塹壅之尚有水淋火煉之色其次爲木屐巖石形如  
屐屨其次曰杼機巖若轉空軸而待織者曰馬廐巖兩  
柱間懸一櫪若將秣焉曰鷹架巖一本橫之鷹已飛去  
而洩滓常積又其次曰染具杵曰二巖架軸舂碓之器  
亦宛然羅列曰仙樂巖山中常聞絲竹聲又若有物伏  
巖際跳梁驚躍是爲獅子仙犬仙羊離列之爲三巖由  
三巖而下爲轆轤巖舊有尺木閣巖上外懸汲器以綆  
斂縱之有土爐一具旁羅諸鐵器者曰鐵爐巖雜委諸

工料狼籍不除似將營室者曰泥料巖又有壑而舟橫者實而牀列者雖去人遠甚儼有形似其名曰仙船巖曰仙牀巖惟栖真巖最高無他竒以其巍壯偉怪有重樓複閣之勢故名其末為奕碁巖巖中設石碁枰若有兩人對奕者足跡罕至

峽一

**漢書**趙充國傳注云山峭夾水曰峽

**續漢書**曰

虞詡為武都太守下辯東三十里有峽中有大石鄣塞水流春夏憤溢輒敗壞城郭詡使人燒石以水灌之石皆罅裂因鑄去遂無沈溺之害 庾仲雍荊州記曰巴

楚有明月峽廣德峽東突峽今謂之巫峽秭歸峽歸鄉峽 袁山松宜都記曰自西陵泝江西北行三十里入峽口其山行周迴隱映如絕復通高山重嶂非日中夜半不見日月也 鄧德明南康記曰雩都峽去縣百里兩邊傍江江廣三十餘丈高嶺稠疊連巖峭峙其水常自激湧奔轉如輪春夏洪潦經過阻絕 盛弘之荊州記曰宜都西南峽中有黃牛山江湍紆迴途經信宿猶望見之行者語曰朝發黃牛暮宿黃牛三日三暮黃牛如故 又曰宜都宜昌縣三峽七百里兩岸連山略無絕處漁者歌曰巴東三峽巫峽長 王韶之始興記曰

梁鮮二水口下流有滇陽峽長二十餘里山嶺紆鬱叢  
流曲勃 又曰中宿縣有貞女峽峽西岸有石如人行  
立水際狀是女子是曰貞女父老相傳秦世有女數人  
取螺於此遇風雨晝昏而一女化為此石 水經注  
曰丹山在丹陽屬巴丹山西即巫山者也帝女居焉宋  
玉所謂帝之季女名曰瑤姬未行而亡封于巫山之陽  
高唐之阻旦為雲暮為雨朝朝暮暮陽臺之下旦朝視  
之果如其言故為立廟號朝雲焉其間首尾一百六十  
里謂之巫峽蓋因山為名也 又曰滇陽觀峽下有廟  
世人以為河伯晉時縣人有使至洛者使訖將還忽有

一人寄以書云吾家在觀前石間石上懸藤即其處也  
但扣藤自當有人取之使者依其言果有二人出外取  
書并延入水府衣不濡濡 又曰涇水東南逕都盧山  
山路之中常聞彈箏之聲行者鼓舞樂而後去即絃歌  
之山也故謂此山峽為彈箏峽 又曰西陵峽疊嶂秀  
峰竒構異形難以詞敘林木蕭森離離蔚蔚乃在雲氣  
之表仰矚俯映流連信宿令人忘返 又曰大巫山非  
惟三峽所無乃當抗峰岷峨偕嶺衡疑其附翼羣山並  
繫青雲更就霄漢辨其優劣耳 郡國志曰南鄉峽峽  
西八十里有巴鄉邨善釀酒故俗稱巴鄉酒也 隴西



記曰襄武有錦鏡峽即黑水所經其峽四望花木明媚  
照影其中因名

峽二

**金堂** 石井 潛確類書曰金堂峽在四川金堂縣東

其相繼巖所環又曰石井峽在鵬巢 鴈門 鴈巢

臨洮府城北峽內有泉冬夏不竭 鵬巢 鴈門 鴈巢

峽在平涼府城以南如鴈門而名兩岸高山中所列又曰鴈

門峽在會昌以狀如鴈門而名兩岸高山中所列又曰鴈

江水為三道 空舫 明月 水泛必空舫在歸州至長

又號三門峽 空舫 明月 水泛必空舫在歸州至長

峽四百里內峽水奔流石磧險惡飛鳥不能 廣溪

瞿塘 水經云江水又東逕廣溪峽注云斯乃三峽首也

書曰瞿塘峽在夔州府城東舊名西陵峽兩岸 潛確類

對峙中貫一江灑灑堆當其口乃三峽之門 金牛

靈羊 又曰金牛峽在寧羌州界一名五丁峽即秦惠

初周十里與爛柯山對峙舊傳山有 靈羊

靈羊每出鳴風雨隨至又號靈羊峽

峽三

**增** 彈琴峽 在順天府居庸關水 希夷峽 在陝西西安

陳搏蛇骨處其上極穴舊有垂鎖道士常攀以上見骨

其鎖希夷初隱武當後有五人竊趾骨以去道士憤之斷

其鎖希夷初隱武當後有五人竊趾骨以去道士憤之斷

已至華 飛龍峽 在成縣仇池山下昔 金佛峽 在華

山之上 飛龍峽 在成縣仇池山下昔 金佛峽 在華

上有金裝石佛像 鎖林峽 在臨洮府城南林木鬱

三在石屏內故名 鎖林峽 在臨洮府城南林木鬱

琵琶峽 在巫山本志云琵琶峰下女子皆善吹笛嫁時

書 花石峽 其文有松柏人物溪橋水石山林之狀可

地部

峽

蹠為屏名 書院峽一統志曰書院峽在梁山治東每

曰花石 子厓子貢壘峽下有夫子坐石榻按巴楚三峽峽

夫子子貢未嘗至蜀此必附會之說 記云三峽即明月峽巫山峽廣澤峽其有瞿唐灘瀾燕

子屏風之類皆不在三峽數此云三峽蓋指巫山為第

三峽非兼明 月廣澤而言

峽四

原詩齊劉繪入琵琶峽望積布磯詩曰江山信多美此

地最為神以茲峰石麗重在芳樹春照爛虹霓雜交錯

錦繡陳却瞻了非向前觀已復新翠微上虧景青莎下

拂津 謝朓和劉繪琵琶峽望積布磯詩曰昔余侍君

子歷此遊荆漢山川隔舊賞朋寮多雨散惆悵懷昔踐

髣髴得殊觀頽紫共彬駁雲錦相凌亂 梁簡文帝經

琵琶峽詩曰百嶺相迂蔽千峰共隱天橫峰時礙水斜

岸或通川 唐楊炯廣溪峽詩曰廣溪三峽首曠望兼

川陸山路繞羊腸江城鎮魚腹喬松百丈偃飛水千尋

瀑驚浪迴高天盤渦轉深谷 唐張九齡滇陽峽詩

曰舟行傍越岑窈窕越溪深水暗先秋冷山晴當晝陰

重林間五色對石聳千尋惜此生遐遠誰知造化心

盧象峽山中詩曰高唐幾百里雲樹接陽臺曉見江山

霽宵聞風雨來雷從三峽起天向數峰開靈境信難見

輕舟那可迴 曹松巫峽詩曰巫山蒼翠峽通津下有

地部

洪鏡類書卷二十一

峽

仙宮楚女真不逐綵雲歸碧落却爲暮雨撲行人年年  
舊事音容在日日誰家夢想頻應是荆山留不住至今  
猶得覩芳塵 宋歐陽脩黃牛峽詩曰峽山侵天起青  
嶂崖崩路絕無由上黃牛不下江頭飲行人惟向舟中  
望朝朝暮暮見黃牛徒使行人過此愁山高更遠望猶  
見不是黃牛滯客舟 蘇軾出峽詩曰入峽喜巉巖出  
峽愛平曠吾心淡無累過境即安暢東西徑千里勝處  
頗屢訪幽尋遠無厭高絕每先上憶從巫廟回中路寒  
泉漲汲歸真可愛翠碧光滿盞忽驚巫峽尾巖腹有穿  
壙仰見天蒼蒼石室開南嚮宣尼古廟宇叢木作帷帳

鐵楯橫半空俯瞰不計丈古人誰架構下有不測浪石  
竇見天因瓦棺悲古葬新灘阻風雪邨落去攜杖亦到  
龍馬溪茅屋沽邨釀玉虛悔不至實爲舟人誑聞道石  
最奇寤寐見怪狀峽山富奇偉得一知幾喪苦恨不知  
名歷歷但想像今朝脫重險楚水渺平蕩魚多客庖足  
風順行意王追思偶成篇聊助舟人唱 金元好問黃  
華峽詩曰玉立千峰畫不如天公自有范寬圖閭山要  
著黃華老千尺珠簾得似無 又曰團團石甕作青瑤  
仰面看雲覺動搖誰著天瓢灑飛雨半空翻轉玉龍腰  
元袁桷彈琴峽詩曰寒泉飛玉峽誰彈使成聲絲石

本同調摩夏生虧成重華初省方百神靜相迎為作薰  
風絃散彼巖下情 明林俊兵書峽詩曰巫峽山西來  
昂伏知幾變扶輿轉磅礴渾沌開生面中劈行懸流晴  
碧天一線石根浪文摺龕寶相貫穿最高巒斗間衣褶  
橫素練參差綴紅雪黃雲覆蔥蒨其巔翳叢木深窈兀  
古殿三竅連嶽峯殘簡隱約見世傳此兵書異人之所  
撰太始留至今文字磨滅半坤靈護取將赤日下雷電  
釋琦公琴峽詩曰目送歸鴻手五絃嵇康合向此中  
仙水如玉指彈秋月星作金徽散曉天盡洗伊涼方可  
聽不名韶濩若為傳君王莫愛霓裳曲艷舞嬌歌失自

然

**原賦** 梁蕭子範建安城門峽賦曰原夫城門之所都廼  
設險于閩區艱難過于身勢襟要甚于飛狐長湍一流  
而沸涌層山兩判而盤紆對巘雙分干霄帶雲怪石隨  
波而隱見枯槎橫出而不羣顧瞻左右重巒接阜其間  
如礪其絕如斗千乘馳輪匹夫可守巖崧呀呷蹙浪揚  
華鴈門飲羽西施浣紗瓌怪豐隆質狀不同斑黃糅采  
元紫潛通水奔湍其如電聲疾裂其如風樹低柯而翠  
鬱潭隱日而青空 隋江總貞女峽賦曰倦辛苦於嶺  
表遂沈淪於海外迹飄飄於轉蓬情繚繞於懸旆駭茲

峽之珍怪佇奇峰而矚矚或遷迤而四成乍罪鬼而五  
曲含照耀之燭銀滄澗之膏玉山蒼蒼以墜葉樹索  
索而搖枝澄碧源之見底聳翠壁以臨危

洞一

**廣韻**曰洞空也 唐書曰明皇天寶九載十月幸華  
清宮太白山人王元翼言元元皇帝降于寶仙洞 又  
曰元結作自釋曰天下兵興隱居猗玗洞稱猗玗子  
又曰韋夏卿晚歲將罷歸署其居曰大隱洞 楊妃外  
傳曰驪山有金沙洞玉藥峰 **原**茅君內傳曰大天之  
內有地之洞天三十六所乃真仙所居 又云第一王

屋山之洞周迴萬里名曰小有清靈之天 又云第二  
委羽山之洞周迴萬里名曰大有空明之天 又云第  
三西城土山之谷周迴三千里名曰太元總真之天  
又云第四西方元三山之谷周迴千里名曰三元極真  
之天 又云第五青城之洞周迴二千里名曰寶仙九  
室之天 又云第六赤城丹山之洞周迴三百里名曰  
紫玉清平之天 又云第七羅浮山之洞周迴五百里  
名曰朱明曜真之天 又云第八句曲山之洞周迴一  
百五十里名曰金壇華陽之天 又云第九林屋山之  
洞周迴四百里名曰左神幽虛之天 又云第十括蒼

地部

洞一

洞

三

山之洞周迴三百里名曰成德隱元之天凡此十洞皆仙人靈真之陰天內宮也 又云八海之中崑崙蓬萊方丈瀛洲滄波白山八溟之神山山皆有洞宮或有方千里五百里非名小天之例不在三十六天之洞數也 又曰五嶽及名山洞室或三十里二十里十里難並合神仙之言又非小天之數 又云嶽洞萬里其岱宗山之洞周二千里名曰三宮空洞之天 又云羅豐山之洞周一萬五千里名曰北帝死生之天皆鬼神所治五帝之官考謫之府也 又云鬼神所治又有二十八小洞天之陰宮或地官所在者不能一一記其洞山之

名略標其大者耳其餘有六洞天陰宮山皆夸狄外國鬼所不治犬戎鳥獸蠻裸夸之種也匈奴之天下北戎之善山南越之岫嶺是也 又云向曲山洞宮之中本有仙人郭四朝者治其宮亦司三官領羅豐帥晨候四朝燕人也兄弟四人得道四朝是長兄也 **摺**李白集曰荊州玉泉寺近青溪諸山山洞往往有乳窟中多玉泉交流有白蝙蝠如鴉千歲之後體如白雪蓋飲乳水而長生也 劉禹錫集曰薛景晦為道州刺史得異境於近郊有石穹然如夏屋因名其地曰舍輝洞 龍川錄曰茅山隱士吳綽素擅潔譽神鳳初因採藥華陽洞

口見一小兒手把大珠三顆其次瑩然戲於松下綽因  
前詢之小兒忙奔入洞 酉陽雜俎曰有人遊南山乳  
洞深數里乳泉滴瀝成飛仙狀洞中已有數十眉目衣  
服形製精巧一處滴至腰以上其人因手承漱之經年  
再往見所承滴像已成矣乳不復滴當手承處衣缺二  
寸不就 郡志曰鉅野金鄉山北有石洞名清涼深十  
餘丈內鑿石作四小閣閣外一堂陸高三尺堂外兩門  
門外兩大閣石道長三十丈闊十有六尺世傳秦始皇  
避暑宮也 又曰黔中郡南石厓屹立傍有石洞深數  
丈相傳諸葛亮征九溪蠻嘗過此留宿洞中設一牀懸

粟一握以秣馬後遂化為石牀石粟至今猶存 又曰  
貞元中洛陽人李渤與兄涉同隱居讀書於廬山五老  
峰下洞中養白鹿自娛後因以名洞寶曆中渤為江州  
刺史即洞創臺榭引流植花焉 宜春記曰江西袁州  
有石室山洞數穴相通高十餘丈皆相似素壁如雪萬  
象森羅或游宴其中穀核狼籍經宿如掃

洞二

**大隱** 寒居 詳前一 韓愈燕喜亭記云洞引

馬呼猿 引馬洞在衢州楊延朗所穿始自州城中通

猿子山間 呼猿 洞在錢塘縣宋僧智一嘗養白

猿集人謂之猿父 攝龍 垂魚 洞前石竇常乾

禱雨則滲潤須臾滿溢有異物如蛇蜴魚鱉之類汲水  
注瓶而歸雲雨隨至及送還洞口則瓶已空若攝而去  
故名西南垂魚洞在彭澤縣口垂石如魚數丈中有金粟  
溪西金粟洞在泉州府紫帽山之陰唐鄭真人文叔居  
玉華里人有客洛陽者遇一羽衣寄書文叔及歸授  
府遺粟米半井還家視之金粟也一僧于洞中獲錢  
及磬皆流香浮石流香如雷時一僧于洞中獲錢  
漢物皆流香浮石流香如雷時一僧于洞中獲錢  
一氣故名浮石洞在建寧府建安縣梅福煉丹前蓋溪中  
陳生每竊食福則與之俱浮相傳安縣響山之響山其徒  
怒逐之逃入洞後有石獅石象甚肖有飛淙崖噴珠  
巖玉出山半小洞中實行甲餘乃至勾流縣之勾漏山乘  
漏從竇入凡經六七洞為勾漏之第一至勾流縣之勾漏山乘  
青衣童子問

縣東南馬希範收武陵蠻至此見榴花蓮子榴花  
洞中隱隱有紅旗遂屯兵于此  
福州府城外東山唐樵者藍超逐鹿入石門內有雞  
犬人煙見一翁謂曰此避秦地也留脚可乎起曰歸別  
妻乃來與榴花一枝而後再訪之則迷矣發蜀中一  
洞在安慶府潛山縣蓮花峰下宋時有承局發蜀中一  
道士托為寄書敲石少頃洞門自開一童子引入與  
犀牛角為犀承局以薄投之水已而視之童子引入與  
犀牛角為犀承局以薄投之水已而視之童子引入與  
長官司水草猶有存者德間觀內鐘夜半與牛鬪如雷  
吼侵晨北中產鏹鍊銅銀其高聳處有臨安府納樓茶甸  
人龍影龍影虎斑龍影千餘丈在岳州平江縣西北其積  
有龍影龍影虎斑龍影千餘丈在岳州平江縣西北其積  
縣東巖石側垂黃鱗爪如繪如虎斑文其洞深莫測居  
人舉火試之煙出山枯柳嘉魚北洞門有石臺香  
爐內有豆杯爵之屬皆出天則成嘉魚北洞門有石臺香  
寧州南西流河秋冬水涸則魚藏春夏水漲則魚  
地





以洞產石  
墨可書也  
物遊行巖上或隱顯不常  
浣衣洞在臺中  
失鹿所在見二  
碧瓜食之仙去  
相傳昔有王子採樵見二人  
圍碁于此局未終而斧柯爛  
水如環珮聲黃魯直詩古  
東直到今我改名方響洞  
谷洞在嘉定州大峩山相傳鬼  
溪蠻宿此設一榻  
口畫夜  
不絕  
而入信步趨出則在崇陽  
之葛藤坪相去約百餘里  
于此山薄而鏡之乃有洞可容千人周圍石壁隱出異  
紋成龍虎之形花木之狀日居左而圓月居右而缺如

琢如畫顏色鮮麗中有石座者三瑩然明白有石乳下  
滴結成佛像列於前後溫潤如玉因謂之玉虛洞三伏  
之際置觀度道士七人御賜題額  
南測穴而入後有大  
門遇此則為狻界  
其下有銘曰伯雅仲雅季雅蓋漢末劉氏  
所製器伯雅受一斗仲雅七升季雅五升  
州府第山縣道  
書為第三洞天  
傳大滌洞在餘杭第三十四洞天  
滌元蓋之天與華陽林屋洞道相通  
大滌山前一各西洞舊志大滌先生杜  
子何法仁曰汝宮西洞舊志大滌先生杜  
洞餘杭縣洞霄宮西洞舊志大滌先生杜  
出詢所自來曰吾舊志云昔人遇一  
職此久矣因以白茅名之  
即劉處  
遇仙處  
括蒼洞在天台縣道書  
桃源洞在台州府天台  
朝真洞在金華縣居  
大滌洞在餘  
龍泓洞在錢塘縣葛仙  
三雅洞在常德府西武陵記云  
賓郎洞在慈利縣  
朱陵洞在衡  
大滌洞在餘  
白茅

洞部  
洞部  
洞部

洞

洞

山巔巨石如龜橫當其穴中數石如人各羣仙洞其  
 旁一石玲瓏若被瓔珞名真人洞洞中水涓涓流名  
 室下注泉一泓有嶺曰風門嶺風迅如扇上有垂蓋  
 蓮花高四十餘丈絕頂幽峭莫測朝真而下百餘步  
 玉壺洞注其中山腹泉聲淙淙若金革懸崖而下石  
 列水奔注其中跳沫成簾長三四丈雙石軒豁如大  
 曰石筍自玉壺五折而方名雙龍洞其下石杵扣之  
 中一穴有石曲折而方名雙龍洞其下石杵扣之有  
 石嵯峨儼如積雪太真洞在嚴州府西安縣內有玉  
 下龍潭水尤清冽太真洞在嚴州府西安縣內有玉  
 者又有三洞一曰靈龜一曰青溪洞在嚴州府西安縣  
 士莫知所入世忠潛行溪側問一野婦得徑即石城  
 洞在錫山即新巖不城如門偃樓而入得石室朗四  
 可容百許人俗呼仙人田仙人倉雙鶴洞在南安府  
 甚眾又有層冰洞石龍洞諸勝廣尺而深不可測相傳  
 名石室今名妙音洞此井龍化雙鶴飛去翔翥久之不  
 神龍居之昔遊人洞此井龍化雙鶴飛去翔翥久之不

知所西峰洞在甌寧縣西鄉紫溪二里界洞內有爐  
 各具五味之玉清洞在甌寧縣西鄉紫溪二里界洞內有爐  
 一寒氣逼人玉清洞在甌寧縣西鄉紫溪二里界洞內有爐  
 命真君府也何得擅入送之出門其室遂隱鳴玉洞  
 在興安洞中石筍懸注一名梵音洞青華洞在大理  
 泉聲宗洞如鳴玉然亦名梵音洞青華洞在大理  
 縣中極寬衍天光瀾日每歲夏季土人太極洞  
 雜至以炬火燄之云不爾必有蜘蛛之孽黃平州城  
 在鶴慶府城南有碧潭生燕窩在黃平州城西  
 淨土石分半宛岩陰陽互生燕窩在黃平州城西  
 羣潛藏于靈巖三洞在徽州府發源縣連接率山方  
 此因名靈巖三洞在徽州府發源縣連接率山方  
 有慶雲洞靈巖三洞在徽州府發源縣連接率山方  
 之象芒田靈草羅左右西映蓮花洞南曰含虛洞有積  
 雪臺及勝小魚龍洞在池州府青陽縣由深谷而入  
 香峯諸勝小魚龍洞在池州府青陽縣由深谷而入  
 洞盡處月光射入小洞中光彩不可言狀已入石埭  
 地部

界說者又謂通貴池之古仙  
洞云以上並潛確類書  
至道觀之後昔天師既誓玉女于井因藏去其衣鎖之  
石室或謂之洞在重巖下哈呀幽窈晦明變化千態  
萬狀雖距關不數武而若  
與世隔道陵脩道之區也

洞四

**增**詩唐于鵠合溪乾洞詩曰渡水傍山尋絕壁白雲飛  
處洞天開仙人來往無行迹石徑春風長綠苔 曹唐  
題武陵洞詩曰溪口回舟日已昏却聽雞犬隔前邨殷  
勤重與秦人別莫使桃花閉洞門 又曰桃花夾岸杏  
何之花滿春山水去遲三宿武陵溪上月始知人世有  
秦時 宋梅堯臣琨瑤洞詩曰仙人采玉驅雄龍列山

剖璞青腔空因邃為堂曲為室石乳溜壁光玲瓏仙歸  
龍去草樹長蔽翳不復人蹤通指壇買墅下峰下洗屬  
務欲險怪窮 程俱善權洞詩曰嘗聞包山境中有林  
屋天旁通號地脉嶽瀆潛鈎連茲山豈其類頰洞皆中  
穿二巖岌山足琤琮激奔泉牛羊走大石吐受無窮年  
金堂下石液雪積如烹煎中藏丈五石屹若龍騰淵洪  
崖僅可俯不在南山南 又白馬洞詩曰披榛不知疲  
詰曲巖下路俄然見深窾僂坐入巖户人言紫髯仙白  
馬從此渡磷磷盡赤石丹竈遺萍汙 元安熙白雲洞  
詩曰峩峩兩峰間崔嵬聳雙闕中有仙人洞恍若仇池

地部

洞四

洞

天

穴朝開白雲生暮掩白雲滅朝昏有奇變迴與人世隔  
會當結茅屋來此寄疎拙沈思畢舊聞長歌抱明月  
楊載水樂洞詩曰石林求路轉聲牙來訪香巖大士家  
雨過門前生薤葉風行隴上落松花懸崖滴水鳴金磬  
激澗流泉走玉沙欲適山林去城市久知寂寞勝紛華  
明宋璩水簾洞詩曰石泉飛雨亂淋漓翠箔銀絲萬  
縷齊雲屋潤含珠網密月鈎涼沁玉繩低鮫人夜織啼  
痕濕湘女晨妝望眼迷恍似水晶宮殿裏四簷花雨亂  
鶯啼 胡纘宗林屋洞詩曰繫馬靈宮第幾天紫霞丹  
竈坐羣仙金庭空闕蛟龍鬪玉柱玲瓏日月懸改火欲

烹山乳食掃雲初藉石牀眠隔凡不隔岳陽水黃鶴飛  
飛何處邊

淵鑑類函卷二十五

洪鐘類書卷二十五

洪鐘類書

洪鐘類書卷二十五

